

# *SIVUMELWANO SA-ABRAHAM*

## *SICINISEKISIWE*

 Ngiyabonga, Mnaketfu Sullivan. Ningahlala phansi.

<sup>2</sup> Kuhle kuba ngephandle endlini yeNkhosi futsi, kusihlwa, lendzawo lesebentela leyonhloso. Futsi ngibonga kakhulu ngalelitfuba lekushumayela futsi, kusihlwa.

<sup>3</sup> Itolo ebusuku nalesindlulele, sikhatsi lesikhulu lesicicimako, ngikwentile noma kunjalo. INkhosi itfululele tibusiso taYo etikwami, ngaze nga—ngangasakhoni kulala hhafu webusuku. Futsi-ke Yena, bengifundza indzatjana lencane, lomunye wangibhalela incwadzi, futsi watfumela siceshana lesincane ephepheni, neNkhosi yanginika umcabango lo—logcamile ngako. Uma Atsandza, kusasa ntsambama ngifuna kukuvalisa, khona lapha e...ngishumayele ngako kusasa ntsambama, emhlanganweni wami wantsambama.

<sup>4</sup> Manje, tsine sine, sizatfu sikkwenta, sinemhlangano wantsambama... Manje, uMnaketfu Sullivan ungiememele enhlanganyelweni nebantfu bakhe, nani nine bantfu lapha, futsi uyivulile endzaweni yekugcina tikhali, kuze ingabi sebandleni lakhe ngalokuphelele; Ngicabanga kutsi loko kufana nemnumzane lohloniphekile sibili. Anicabangi kanjalo na? Buzalwane sibili.

<sup>5</sup> Lenye intfo lesiyincumile, kutsi besicabanga kutsi kungaba kuhle kube besite inkonzo yangeliSontfo ebusuku, kute nine bantfu ningaphutselwa ngisho ngutiphi tetinkonzo tenu letijwayelekile. Beningaba naSontfo sikolwa, beseke niba nenkonzo yangeliSontfo ebusuku. Nalabanye benu malunga emabandla, ngi—ngifisa kwangatsi beningakuvakalisa loko kumelusi wenu, uma angekho emhlanganweni, kutsi kungalesosizatfu senta loko. Asiketi lapha kutama kuko kutoimbela u—umsebenti waKhristu, silapha kutama kwelekelela lomsebenti waKhristu, sitama kwenta konkhe lesingakwenta kutsi sibambisane ndzawonye kuso sonkhe silinganiso lesingasikhona kusita bantfu.

<sup>6</sup> Futsi esikhundleni seMnaketfu Sullivan atsi nje, “Yebo-ke manje, sitoba nayo nje ebandleni lami,” ngani, uyifaka ehholemi lenkhulu, futsi kute wonkhe umuntfu akhone kubona kutsi bekungesiyo injongo yebugovu.

<sup>7</sup> Bese-ke, esikhundleni sekuba nayo ngeliSontfo ebusuku, siyenta ngeliSontfo ntsambama, lokuhlala njalo kuticuku letincane ngeliSontfo ntsambama, kunalokungiko ngeliSontfo

ebusuku. Kodywa a—asiketeli imali lapha, asikho lapha kubona kutsi bangakhi bantfu lesingabakhanga, silapha kuphela kutama kufaka incenye yetfu eMbusweni waNkulunkulu, kusita wonkhe umuntfu, nguloko lesikutele lapha.

<sup>8</sup> Manje, loku akukabhalwa phansi, neMnaketfu Sullivan akati kutsi ngati loku, kodywa ngiyati, kute kube ngulesikhatsi lesi, uyashoda ngasetimali talomhlangano. Manje, kusasa ntsambama ngeke cube ngumnikelo welutsandvo, kutoba ngumnikelo wekubhadala tindleko. Futsi uma tindleko tingakabhadalwa kusasa ntsambama, Ngitoshayela ekhaya, masinyane, ebandleni, futsi sitobhadala wonkhe peni wako ngaphambi kwekutsi sihambe kulelidolobha. Akunawuba nalutfo lolusele, kute tikweneti lesitishiya ngemuva. Asikhoni kwenta, asitfoli tindleko kusasa ntsambama emnikelwени welutsandvo... Nikwente kubengumnikelo welutsandvo eNkhosini Jesu esikhundleni sami, kute kutobhadala tikweneti.

<sup>9</sup> Manje, uMnaketfu Sullivan bekatotibhadalela yena lucobo loko, kodywa angeke akwente loko. Cha, angeke ngimvumele ente loko. Cha, si—sitokwenta ngekwetfu. Bese-ke uma kungekho lokwenele kucedzela u—umhlangano, khona-ke ngitotfola, futsi sitofumela imali etulu lapha levela ebandleni letfu lucobo eJeffersonville kucedzela sikweneti, kucedzela i...ngako yonkhe intfo ibhadalelw, titulo, ihhola lenkhulu, nesikhangiso, noma ngabe yini lebeyikuyo, sitoyibhadala yonkhe, kubona kutsi ibhadelwe yonkhe. Ngeke cube nge—nge—ngetulu ku, kuMnaketfu Sullivan, nebantu.

<sup>10</sup> Manje, uma beningakwenta, ngifisa kwangatsi beningakwenta, uma umelusi wenu angekho lapha, uma beningamema libandla kutsi lite ngetinkhani kusasa ntsambama, kutoba ngumlayeto webuprofethi lengicabanga kutsi, kubonakala kimi kutsi Moya loyiNgcwele ukubeke enhlitiyweni yami, emvakwekufundza indzatjana namuhla, kutsi ngifanele ngiletse lowomlayeto, kusasa.

<sup>11</sup> Futsi manje, khona-ke tinkonzo letilandzelako lenginato, ngekwati kwami, liSontfo leliPhasika etabernakeli, lapho kuyobakhona tinkonzo tembhahatiso, nakanjalonjalo. Bese-ke siya eBloomington, e-Illinois. UMnaketfu Sullivan ungimemile kutsi nighlale tinsuku letimbadlwana teliviki lelitako, uma bengingakwenta, ngikhatsle kakhulu kukwenta bangani. Umphimbo wami sewushile, ngi—ngivele nje, bengisolo ngisetikonzwensi kusukela ngaKhisimus, niyabona, futsi ngikhatsle impela, impela, futsi ngilangatelele leti letintsatfu, noma letine, noma tinsuku letisihlanu, noma ngabe kuyini lapho, ku—kuphumula.

<sup>12</sup> Futsi ngingeke nighlale ekhaya kwenta loko, ngitodzingeka nje ngiphumele ndzawanatsite futsi ngiphumule, ngoba ngineliSontfo lonkhe liSontfo; bese-ke ngisuka lapho ngiye

eChicago, kusukela ngeliSontfo kute kube liSontfo; bese-ke kusuka lapho ngiye e—eGrande Prairie, eBritain Colo..., noma, e-Alberta; futsi kusuka lapho ngiye e—eDawson Creek, eBritain Colombia; futsi mhlawumbe, eFort St. John, kuchubeke njalonjalo; nasentasi eMiami, eFlorida; futsi mhlawumbe ngalapha eWashington, DC, kulelihlobo ethendeni lelikhulu, iNkhosi itsandza.

<sup>13</sup> LaboSomabhizinisi lapho batfumela livi entasi, ngalolobunye busuku, litsandzeka kakhlulu, ngesikhatsi siseRichmond boSomabhizinisi baseWashington, DC bangitfumelele incewadzi lekhetskile kutsi umhlangano lebesinawo lapho ngalobobusku, ngalobunye busuku, ngikholwa kutsi bekuseCongress Hall, noma—noma lenye ihhola lapho eWashington, bafuna, sibuye futsi sibeke lithende lelikhulukati, futsi batsi uma singakatibhadaleli tindleko entasi eRichmond, ngani, bebaneke nje bangasho lutfo ngako, batotibhadala bona lucobo, boSomabhizinisi labangemaKhristu.

<sup>14</sup> Manje, loko kusetandleni tenu sibili, kodywa iNkhosi iyangena, futsi senta tindleko, yonkhe intfo, konkhe kwahamba kahle eRichmond, ngako ngingahle kube ngenyukela lapho, uma kungesiwo umhlangano, kwentela inhlanguyelo nje yalabobanaketfu labaligugu, lome ngakubo e—ngetikhatsi letinjalo.

<sup>15</sup> Manje, kodywa cinisekani kukhumbula kusasa ntsambama, uma...loko kutocala, ngiyacabanga uMnaketfu Sullivan sewuvele ushito, ngensimbi yesibili enhloko. Futsi asitsi, empeleni, uma si—uma singa... Ngikholwa kutsi bakhipe emakhadi latsite itolo ebusuku, ngikholwa kutsi Billy ungitjele kutsi bawaniketa emakhadi itolo ebusuku, inombolo ya-A, futsi ngishiywe sikhatsi kakhlulu kutsi ngibabite—ngibabite bete lapha kutsi ngibakhulekele, Ngitowetama kubatfola kusihlwa, uma ngingakhona, uma ngingakwenti, impela ngitobatfola kusasa.

<sup>16</sup> Futsi ngitomcela ehle kusasa, futsi ntsambama, singasolo sichubeka sigijime, ngale, ngale, kamuvanyana uma sitodzingeka. Utsi sitongena ngensimbi yesine, yebo-ke, singagijima siye kuyesihlanu, futsi singatfola wonkhe umuntfu akhulekelwe. Bese-ke uma bato... Uma ninabo bantfu labagulako manje, lenifuna ngibakhulekele, nginemuzwa longakejwayeleki kabi ngetintfo letitsite, ngako kuncono nibe nabo lapha kusasa. Niyabona na? Futsi ngako kungahle kube emvakwesikhashana, kutsi ningeke nisaphindze ningive, ngako uma nifuna ngikhulekele labatsandzekako benu, khona-ke ni—nibangenise kusasa ntsambama, niyabona. Futsi—futsi—ke sitobanika likhadi lekukhulekelwa.

<sup>17</sup> Uma bacala ngensimbi yesibili kuncono nibe lapha nase

alishumi nesihlanu ishayile insimbi yekucala, noma igabence yekucala, lokungenani, niyabona. Futsi ngitoba neMnaketfu Leo, Gene, naBilly, nabo kutsi behle futsi banikete bantfu emakhadi abo ekukhulekelwa, nomayini lo... noma ngubani lofuna likhadi lekukhulekelwa. Futsi niyayati inchubo, indlela lesiwenta ngayo, tsine, kusasa, mhlawumbe sivele sibanikete nje, ngoba sitotama nje kubona kutsi bangakhi bantfu logulako lofuna kukhulekelwa.

<sup>18</sup> Manje, ngaphambi kwekutsi sichubekele embili, asikhulume neyetfu lenkhulu, iNkhosi yebukhos, iNkhosi Jesu, kuYe lesinekwetsembela kwetfu lokungenasiphetfo kuYe nemusa waKhe lomangalisako. Bangakhi labangatsandza kukhunjulwa emkhulekweni? Akwateke nje ngesandla lesiphakanyisiwe. INkhosi inibusise, bantfu bami, sisahotsamisa tinhloko tetfu.

<sup>19</sup> Nkulunkulu wetfu loNgcwele kaKhulu naBabe loLungile, sita eBukhoneni baKho, kusihlwa, ngetinhlitiyo letifobekile ne—nemimoya lelungele futsi sitsandza kwemukela uMlayeto waKho. BesingaKucela kutsi usigcobe, Nkhosi, kutsi sicedzele lesahluko lesi ku-Abrahama, nebantfwana bakhe belukholo lolufana nelwakhe. Ngikhulekela kutsi Utobusisa lomlayeto kusihlwa, nesitfunywa, nalabo labawemukelako. Titfolele ludvumo Wena lucobo, futsi uma kuyintsandvo yaKho kutsi sikhulekela labagulako, kwangatsi kungabakhona lokunengi kakhlulu, lokucicimako nemandla emkhatsini wetfu, kusihlwa. Sindzisa labo labangakasindziswa, philisa labo labangakaphiliswa, ugcwalise ngaMoya loyiNgcwele labo labafuna emandla aKho netibusiso, siphe umusa kitsi sonkhe. Ngoba sikucela, eGameni laJesu. Amen.

<sup>20</sup> Ngikholwa kutsi labafana bekakhipha incwadzi lencane lapha, Ngicabanga kutsi ibitwa, o, yebo, *liPhimbo* laboSomabhizinisi labangemaKhristu. Bangakhi lonayo? Loko kuhle. Uma ungenayo, yitfole kusihlwa lapho uphuma.

<sup>21</sup> Gene, angati noma bengingakucela yini, noma lomunye umuntfu, nibeke labafana eminyango, noma ngukuphi lapho baphuma khona, noma lomunye umuntfu. Batitsengisa ngamalini? Tibita sheleni?

<sup>22</sup> Uma ungenaye sheleni, yitsatse noma kunjalo, ngitokubhadalela, niyabona. Ngifuna nifundze lobufakazi lobu lapha, balombono. Nje, ngifuna wonkhe umuntfu losekhatsi lapha abe nayinye. Uma u—uma ungakhoni, ngani bhadalisani mine ngato. Futsi wonkhe umuntfu aciniseke kutfola yinye, kusihlwa. Bali—bali*Phimbo* labosoMabhizinisi labangemaKhristu.

<sup>23</sup> Futsi babbala umbono ekhatsi lapho iNkhosi leyanginika wona madvute nje, futsi nje kwavutsisa inhlitiyo yami. Ngi... Abanako konkhe ekhatsi lapha. UMnaketfu Tommy Hicks, noma, Tommy, akakwati kucabanga ngeligama lakhe, umhleli,

njengamanje, Nickel (Ngiyabonga, Mnaketfu Gene.), UMnaketfu Tommy Nickel walibhala, kodvwa a—akalifakanga lonkhe lapho, kodvwa beku... Akazange ayifake lapho cishe ngekhatsi ngibone wami, Angicabangi kutsi uyifake lapho, empeleni, ngekubona injá yami, nelihhashi lami lita kimi, niyabona. Ngiyacabanga, mhlawumbe lobutwa emkhatsini webantfu uma bacabanga ngetilwane letiseMbusweni, kodvwa tikhona.

<sup>24</sup> Aphi lawomahhashi lefika, atfola Eliya? Uphi lowo Jesu munye lotako, agibele, timpi taseZulwini? Niyabona na? Itokudla nini imphisi neliwundlu ndzawonye? Niyabona na? Impela. Bacabanga nje... Sitfola nje imibono yetfu lesikako, futsi—futsi uma intfo letsite ingakufaneli loko, yebo-ke khonake, asifuni nje lutfo loluphatselene nako; nguleyo inkhatsato. Kodvwa, noko, loko kulungile. Futsi kunalokwenele lapho... Bese-ke niyacaphela phansi ekugcineni, bekune... Niyifundzile lencane, ingcikitsi lencane phansi ekugcineni, ngekuvusa labafile?

<sup>25</sup> Manje khumbulani, ngaphambi kwekutsi usakate noma yini, ufanele ukhone kukufakazel loko. Ngako sinetittatimende letibhalwe phansi letivela kubodokotela, baphatsi belidolobha, nalokunye kanjalo, kutsi bodokotela babamemetele kutsi bafile, futsi sekahambile cishe ema-awa lasiphohlongo nelishumi, futsi abuye aphile futsi, ngemkhuleko; ngako sitatimende lesibhalwe phansi. Lencwadzi ihamba umhlaba wonkhe, futsi ihunyushwe ngetilwimi letehlukene, nayo yonkhe intfo, njenge*Reader's digest* nje, emkhatsini webantfu laba ngemaKhristu, futsi kufanele kube liciniso, futsi ufanele utifikazele letotintfo uma utisho. Ufanele ube...

<sup>26</sup> Ngako lowo lebebafanele bamfakazele bekukutsi, ngaphambi kwekutsi abhale loko, bekasentasi lapho eMexico, cishe eminyakeni lemitsatfu leyendlulile ngesikhatsi ngisentasi lapho, naloyo wesifazane lomncane waseSpain, abambe loloswane lolwafa ngaloko kusa ngensimbi yemfica ngco, neNkhosi yalivusa laphila ngensimbi yelishumi ngalobo busuku emhlanganweni, futsi lalikhahlela ngaphansi kwaleyongubo. Beme lapho, bantfu labatinkhulungwane letingemashumi lamatsatfu, cishe, bemile nje, beyeme kulomunye nalomunye kusukela kusesekuseni ngaloko kusa, lusuku lonkhe emvuleni, nayo yonkhe intfo, kuva nje liVangeli. Ngako, bantfu labanjalo... Nkulunkulu utokwenta ngalokwecile bantfu uma bahlangana ndzawonye kanjalo, futsi batokholwa, futsi batfobe tinhlitiyo tabo phansi embikwa Nkulunkulu.

<sup>27</sup> Manje ngifuna kufundza loyomBhalo ngetulu lengiwufundzile itolo ebusuku, ngoba ngifuna kucedzela kuleso sifundvo lesifanako; futsi singeke sihlale sikhatsi lesidze kusihlwa.

<sup>28</sup> Manje, nine tivakashi, lapha, niyati kutsi likuphi

liTabernakeli leFull Gospel, lapho uMnaketfu Sullivan angumfundisi khona? Kulungile. Leyo yindzawo lenhle kuya ekuseni. Uhlala usondzele kunoma nguliphi lalamabandla eliVangeli leLigcwele ngalapha, leyos yindzawo lenhle kuya kuyokuva Livi leNkhosi. Ngako manje, yani kuSontfo sikolwa ndzawanatsite, kusasa. Bamba imibala yakho nje, futsi uhlale endzaweni yekusebentela.

<sup>29</sup> Manje ngikhola kutsi ngifundza kuGenesisi, sahluko 22, nelivesi le 14:

*Futsi Abrahama wabita ligama lalendzawo ngekutsi  
Jehova-jayira: njengoba kushiwo kulolusuku, Entsaben  
yeNKHOSI kuyobonelelwa.*

<sup>30</sup> Sizatfu sekutsi ngifundze umBhalo kungoba, uma lengikushoko akusebenti, impela Lakusho, kuyosebenta. Livi lami lilivi lemuntfu, liyokwehluleka; Livi laNkulunkulu liLivi laKhe luCobo, futsi Lingeke lehluleke.

<sup>31</sup> Naleligama lelitsi *Jehova-jayira* lichaza kutsi, “iNkhosi itiniketele Yona lucobo umhlatjelo.”

<sup>32</sup> Manje, itolo ebusuku, nisijabulele lesosifundvo kuko itolo ebusuku? Indvodzana yami, Billy, longemuva kwalesakhiwo manje, ubuyela emuva lapho kutsi alalele kubona kutsi angakuva yini, watsi kuyahhumutela kakhulu, kakhulu impela, niyati, a—awukwati kuva kahle. Ngako kungalesosizatfu, esikhundleni sekushumayela, ngicabange nje kutsi ngitotsi kukhuluma ngeLivi sikhashana, futsi mhlawumbe beningeva kanconywana.

<sup>33</sup> Niyabona, letikhali leti letinjengaleti, takhiwo letibekile, atentelwanga imihlangano lenjengalena, tentelwe ibhaskethibholi, nekuticecesha, isilingi ayikentiwa kahle, imisindvo iphansi kakhulu, mibi kakhulu. Kodvwa siyabonga eMbutfweni wetemphi waseUnited States ngenhlanhla yekuba neluphahla etikwetfu kusihlwa, nekuta kulendzawo, futsi sibabonga ngemusa impela, iNkhosi ibabusise njalonjalo.

<sup>34</sup> Manje, sitsetse Abrahama itolo ebusuku, neNtalo ya-Abrahama emvakwakhe. Futsi, o, sibusiso lesinje pho lesifanele sisikhombise! Futsi, kimi, umuntfu angaba kanjani nelikamele linye lelungabata nomu ngayiphi indlela, uma ubona loko Nkulunkulu lakwetsembisa, bese-ke loko Nkulunkulu lakwenta? Kufana nekufundza liBhayibheli nje, lapho Lisho kungakenteki kutsi kukhona lokutokwenteka, bese-ke utsatsa umlandvo futsi ubone kutsi kwentekaphi.

<sup>35</sup> Manje, Nkulunkulu watsi Utobusisa lesibusiso lesi nesetsembiso etikwa-Abrahama neNtalo yakhe emvakwakhe. Futsi siyatfola, impela nje, sigaba ngasinye Nkulunkulu lasivakashela Abrahama, Wenta info lefanako eNtalweni ya-Abrahama emvakwakhe.

<sup>36</sup> Khona-ke sititfolephi itolo ebusuku, basalwane? Sititfole tsine khona impela ekupheleni kwemgwaco, entasi ngco entfweni yekugcina, neliBandla lemukela sibonakaliso saLo sekugcina, bese-ke kukubusisa konkhe, Wangena emkhatsini wetfu, itolo ebusuku, futsi waya etetsamelini tonkhe futsi wenta intfo lefanako Layenta eSodoma. Kungaba kuphi kushelela? Kukuphi lapho lebesingaba neliphutsa khona?

<sup>37</sup> Khona-ke busuku ngaphambi kwaloko, sitsetse Israyeli ehlane, futsi sakhombisa kona kanye nje libandla, Israyeli... Manje, siyatfola kubaseKhorinte bekuCala, sahluko se 10, Kwatsi tonkhe letotintfo tenteka ku-Israyeli kutsi tibe tibonelo kitsi. Manje, sitfola kutsi bebatibonelo, akhombisa loko Nkulunkulu lakwentela kona kusitfunti nje se... loko Lakwentako lapho, loko Lakwenta, kwemvelo, Wenta kwakamoya.

<sup>38</sup> Niycaphela eBhayibhelini, sahluko se 12, wesifazane esahlukweni se 12 seSambulo, nenyeti ngaphansi kwetinyawo takhe, nelilanga enhloko yakhe, akhombisa umtsetfo ufiphala. Litsi nje lilanga lingaphuma, inyeti iyashona; inyeti ingumfati elangeni. O, ngi—ngiyakutsanza loko kufundvwa kweliBhayibheli!

<sup>39</sup> Niyabona, lilanga nenyeti ifanekisa Khristu neliBandla. Uma lilanga selishona, liphuma ekubonaneni, alisekho, seliphumile nje ekuboneni live, libonisa kukhanya kwalo kubuyelete enyetini kuniketa kutokhanya uma lingekho. Ngako nguloko Khristu lakwenta ngesikhatsi Angena eNkhatimulweni, Ubonakalisa kuKhanya kwaKhe emuva eBandleni laKhe, kuniketa kuKhanya Ate abuye. Kuhle! O, hhe, kucabanga kutsi lilanga, uma nifuna, libonisa kukhanya kwalo e—enyetini kukhombisa kukhanya! Nekukhanya...

<sup>40</sup> Futsi, inyeti lucobo lwayo ingugadzi, Nkulunkulu wabeka imincele yelwandle, wase ubeka inyeti kutsi ikubukisise. Nelwandle, lutfukutsela kanjani lugcuma elusentseni, liyotsanza kubhubhisa yonkhe intfo emhlabeni ngoba lenta ngalesinYe sikhatsi, niyati.

<sup>41</sup> Nekubona sono, sincwabelana, lawo ngemagagasi, ashaya lawomagagasi lamakhulu aphambana nelusentse. Futsi khumbulani, etinsukwini tekugcina kwabiketelwa emagagasi lamakhulukati, lwandle lubhodla, tinhltiyo tebantfu tehluleka, kwesaba, kudideka kwetive, lusizi; loko bekungaba tibonakaliso tesikhatsi sekugcina, sendlulile kuko konkhe loko, entasi emgwacweni. Manje naku lapho sikhona, siconde ngco esibonakalisweni sekugcina kubantfwana ba-Abrahama, futsi saletfwa ngisho nemagama etitfunywa, njengoba kwakunjalo nje esikhatsini sa-Abrahama, kukhombisa kutsi akukho kushelela ndzawo, liBhayibheli, ISHO KANJE INKHOSI.

<sup>42</sup> Beso-ke libandla lihlala lifile, imidlalo yebhola, kudvonsa emehlo kwelidolobha, netintfo telive tiyenge libandla talikhiphela ngephandle. LiBhayibheli latsi bayoba ngulaba nemawala, labakhukhumele, labatsandza injabulo kunekutsandza Nkulunkulu, banesimo sekumesaba nkulunkulu. Emakamelo asehhotela agcwele tidzakwa, ungeke ngisho ulale, bothishela basontfo sikolwa, bantfu bay a esontfweni, emalunga elibandla, banalokuncane “lokuhlantekile, kutijabulisa kwaseMerica.” Lonesono! O, lelive lelidzala liyayendza njengendvodza ledzakiwe ita ekhaya ekuseni.

<sup>43</sup> Kwentekani na? Ngesikhatsi tonkhe letono leti ticala kuba kanjalo etinsukwini taseSodoma, besifazane, bangcunu hhafu, bagijima bendlula emakamelweni emahhotela, nebesilisa, badzakiwe, babalandzela (Loko akukho khashane kulenyi indzawo, loko kulapha.), kwabese kwentekani ke? Nkulunkulu watsi, “Ngehlide kutfola kutsi ngabe yonkhe lemibiko icinisile yini.”

<sup>44</sup> Bantfwana beliciniso bamemeta, “Wota, Nkhosi Jesu!” Mhlawumbe lomunye edolobheni. Njengoba sacela ngalolobunye busuku njengoba Moya loyiNgcwele asitjela eBhayibhelini, “Namatsisela ngeluphawu kuphela labo lababubula futsi bakhalele sinengiso lesenteke edolobheni.” Bebangabekwa lumphawu kuphi na? Kuphi kubekwa lumphawu kwebantfu na? Asingadukiswa, asibe kahle.

<sup>45</sup> Njengoba lolomyama lomdzala asho, ngalesinye sikhatsi, “Ngatjela iNkhosi kutsi ngifuna kucoca ngako naYo manje, ngoba bengingafuni nkhatstsato emfuleni.” Kunjalo, bangani, angifuni nkhatstsato emfuleni. Awati kutsi awa lini lotowehlela kulowomfula, ungahle ube lapho kuleminye imizuzu lelishumi nesihlanu, ungahle ube lapho ngaphambi kwekusa, kodvwa yinye intfo lecinisekile, uta kuwo, ngako kuncono uciniseke manje.

<sup>46</sup> Nkulunkulu akatenteli letintfo leti kudlala nje, imibukiso yesiteji, Ukwentela inkhatimulo yaKhe neludvumo lwaKhe, ngoba Wetsembisa kutsi Uyokwenta. Asingakubuki kalula, kodvwa ngenhlonipho yekutitfoba, lokunganakeki, nangekusanguluka. Wota eMtfonjeni logcwaliswe ngeNgati, lemunywe emitsanjeni ya-Emanuweli, uvume tono takho nekungakholwa kwakho, cela Nkulunkulu kutsi abe nemusa kuwe, njengesoni, futsi akusindzise ngenca yaKhristu.

<sup>47</sup> Ngaletinye tikhatsi bantfu bangena ebandleni, futsi batsi, “Angidzingi kubuta loko. Sengivele...” O, hlola imphilo yakho, mngani, ubone kutsi kukholwa kwakho kubhalwe kanjani ngeLivi. Khumbulani, labobaFarisi bebangacabangi kutsi badzinga kusindziswa, bebangcwele, emadvodza lahlukanisewa, bebabafundisi, bobabe babo bebabafundisi, bomkhulu babo, bokhokho babo, bokhokho babo, bonkhe

bebaba fundisi, baphila imphilo lenjalo kwaze kwatsi lunye luhawu loluphambene nabo, bebangagcotjwa ngematje ngako. Niyayati imiBhalo? Ngekwati ngalokuphelele, naJesu watsi, “Nibakababe wenu, develi.”

<sup>48</sup> Buki sani Nkulunkulu, Bekabakhombisa sibonakaliso saMesiya, futsi abakukholwanga, batsi, “UnguBhelzebule, umbhuli.” Bakhaphile, futsi bafundzile, futsi njengetimphilo letehlukaniselwe lebebatiphila, kepha noko bebatoni. Ngani na? Bebangaphingi, bebangabhemu bosikilidi, bebangadzakwa, abayanga emidansweni, bebangadlali emakhadi, kodvwa abakholwanga, kungaleso sizatfu bebatoni.

<sup>49</sup> Kungaleso sizatfu ngiyilahlela ePhentekhosti namuhla. Akunandzaba kutsi udansa kangakanani eMoyeni futsi ukhulume ngetilimi, Ngiyakholelwu kuloko, kodvwa bewungakhuluma ngetilimi njengekutsela emaphizi esikhumbeni senkhomo lesomile, futsi uchubeke ulahlwe. Kunjalo. Awuzange ngisho utfole i... Ngitibonile tinyanga-batsakatsi letikhuluma ngetilimi futsi tidanse emoyeni, banatse ingati lesesikobheni semuntfu, futsi babite develi, badansa emoyeni, futsi bakhuluma ngetilimi, futsi bamemeta ngemandla abo onkhe lebebangamemeta, impela, bangeke bahambe ngaloko.

<sup>50</sup> Uma usasolo ungalikhholwa Livi laNkulunkulu ngendlela nje leLibhalwe ngayo, unglongakhholwa, usoni. Nkulunkulu uyehla futsi aphocelele Livi laKhe, futsi aLente libonakale, futsi aLikhombise luhlavu leligama ngeluhlavu leligama, lapho kungekho muntfu longasukuma amelane naLo, Nkulunkulu uLimele cobo lwaKhe, khona-ke besuka bahamba nganca yesivumokholo lesitsite, akumangalisi silahliwe. Kodvwa ungakumisa na? Lomunye watsi kimi, ngalelelinye lilanga, “Ungakumisa?”

Ngatsi, “Cha, mnumzane.”

Watsi, “Yebo-ke, yini lo...? Yini ungathuli?”

<sup>51</sup> Ngatsi, “Ngingathula kanjani? Ngita ekwaHluelweni, liphimbo lami liyoba lirekhodiwe lapho lelitolahla sonkhe lesitukulwane.” Angikwati kuthula. Maye kimi uma ngithula! Une...

Ngatsi, “Awukholelwu ekoneni, uyakholelwu?”

Watsi, “Cha.”

<sup>52</sup> Ngatsi, “Yebo-ke, yini—yini loloyishumayela ngekumelana nako? Kungani u...? Uma—uma wati kutsi live litochubeka liye kuleyonyakanyaka, kungani uchubeka nekushumayela?” Sifanele sinikete liphimbo lelimelene nako, sifanele; liciniso litofanele latiwe.

<sup>53</sup> Nkulunkulu unebulungiswa, Uniketa secwayiso saKhe. Kungani Nowaeme emnyango ashumayela ngesikhatsi Ati

kutsi bebangeke bangene? Walungisa umkhumbi wekusindzisa bendlu yakhe, bekunguloko-ke, kodvwa wadzingeka anikete uMlayeto ngalokufanako nje. Nkulunkulu unebulungiswa, Nkulunkulu bekti kutsi bebangeke bete, Bekati nje impela kutsi imiphefumulo lesiphohlongo iyosindzisa etinsukwini taNowa, njengasekugcineni nje, ngalokufanako njengoba Ati lesitukulwane lesi. Uyati kutsi ngubani lotsandzako nekutsi ngubani longeke, kodvwa U—Uyati kutsi bekunguye, kungalesosizatfu Atsi, “Njengoba kwakunjalo etinsukwini taNowa, kuyoba njalo ekubuyeni kweNdvodzana yemuntfu.” Niyabona na?

<sup>54</sup> Futsi siyati kutsi siphila esikhatsini lesikhulu kakhulu, kodvwa ni—nibophelelekile... Inhlitiyo yakho—yakho iyakhala nje, ungeke wathula, ufanele ukusho.

<sup>55</sup> Manje, bukisisani kutsi Wentani ku-Abrahama, akhombisa eNtalweni yakhe, khona-ke utoba nekucondza kutsi letintfo leti atikafaneli tiye emizweni lemikhulu. La—abantfu lapha... Linengi lebantfu lengihlangana nabo, babuke lenye lenkhulukati, lebanti, imvuselelo leshanyela umhlaba, loko sekwendlulile, sisekugcineni.

<sup>56</sup> Babuke imimangaliso lemikhulu netibonakaliso ngoba nje abalati liBhayibheli. Labo baprofethi lababili beTambulo 11, utomisa lilanga, Elisha futsi, noma, Mosi na-Eliya, loko kusemvakwekuba liBandla lebeTive selivele lihambile. Kunjalo. Niyabona, loko kungale ebuJuden, uma Nkulunkulu abuyela futsi ku-Israyeli. Lomnyaka welibandla, fundzani Sambulo 1 kuya kule 3 khona-ke nitoba nawo, niyabona kutsi Ulinika ini umnyaka welibandla, kubitelwa ngephandle, sibonakaliso sekugcina bekukubonakala kwa-Eliya futsi enkhundleni, kwekugcina, sikhatsi sekugcina. Futsi si—sinjalo, siyakwati loko, kutsi yonkhe intfo Layisho itoba ngendlela nje Layisho ngayo.

<sup>57</sup> Manje, sitfola kutsi lapho Ambita khona kuse 3... esahlukweni se 12 saGenesisi, futsi wamlungisisa ngekukholwa, ngoba Abrahama wamkholwa Nkulunkulu. Ngabe kunjalo?

<sup>58</sup> Manje, angikusho loku... Manje, angifuni nikucaphune loku emuva emkhatsini webantfu benu, kodvwa niyabona, yonkhe intfo eBhayibhelini ihamba ngalokutsatfu, *lokutsatfu*, kwenta *kunye*. Manje, njengase—eBhayibhelini, kubhaliwe ekhatsi lapha kutsi... Niyati Nkulunkulu wabhala emaBhayibheli lamatsatfu. Niyakukholwa loko? Wabhala linye etibhakabhakeni, linye esivivaneni, lelinye ephepheni. Manje, siyati kutsi benta libhodi lelinetinhlavu temagama lelibitwa nge-ouija ngesivivane; benta libhodi lelinetinhlavu temagama lelibitwa nge-ouija ngeZodiyakhi; libhodi lelinetinhlavu temagama lelibitwa nge-ouija ngeliBhayibhelini, kodvwa loko

akuwavimbeli emaciniso aLo, emaciniso aLo ayafana nje impela.

<sup>59</sup> Manje, uma nicaphela ku-Zodiyakhi, yini umfanekiso wekucala ku-Zodiyakhi? Yintfombi ntfo. Yini umfanekiso wekugcina ku-Zodiyakhi? Leo libhubesi. Kufika kwekucala, nekuFika kwesibili kwaKhristu, Ufika kucala ngentfombi ntfo, ufika ngalokulandzelako iNgwenyama yesive sakajuda, khonake tinhlanti letiphambene, umnyaka wemdlavuza lesikuwo manje, ngaphambi nje kwekutsi lesosikhatsi senteke.

<sup>60</sup> Sibuka sivivane, sakhiwa *kanjena*. Kodvwa niyacaphela, litje-lenhloko alizange libekwe esivivanen. Nike nacabanga ngaloko? Unayo imali lelidola ekhukhwini lakho? Bukani kutsi kutsini, "LuPhawu loluKhulu," sivivane, futsi sibuke ngetulu kwaso, litje, litje-lenhloko alizange litfolwe. Ngani? Litje leliyiNhloko lencatjwa, Khristu.

<sup>61</sup> Bukani phansi lapha emnyakeni waLuther, kulungisiswa, indzawo lenengi ekhatsi lapha. Kuvuma nje kutsi Khristu bekasho kutsi inhloko yakho ijutjiwe. Ngesikhatsi baphuma ebuhedenini, kutsi inhloko yakho... bewubulawa ngako kona kanye kusho kutsi unguMkhristu, Luther. Khonake kwenta ini? Kuyelakanyana manje, kulabayingcosana, kwehla kusondzela. Yini leyalandzela? Kungcweliswa, waseke ubitwa ngeluhlanya, umgiciki longewe, noma lokutsite, loyo ngumnyaka waWesley. Kwentekani lokulandzelako? Kwase kufika iPhentekhostali, umbhabhatiso waMoya loNgcwele, i, solo liBandla liba lincane ngesibalo. Futsi manje, kuchubeka kuze kutsi loko kufike endzaweni lekahle, kuze kutsi uma lelotje leliyiNhloko ekugcineni lifike, Liyofanelana kahle kakhulu, liBandla litobanjalo, lifanele libe sesimeni lesi—lesiphelele impela, kuze kutsi uma Khristu efika Alingane kahle kuLo. Kunjalo.

<sup>62</sup> Ngako niyabona, kukhuluma ngetilimi nje, futsi kudansa eMoyeni, kusentasi le nelilayini lapha namanje. LiBandl-... Futsi khumbulan, uma wake waba lapho, eGibhithe, enhlokweni lenkhulu yelibhubesi noma sivivane, lawomatje, le ngaleya emoyeni, lasindza emakhulu emathani, futsi ahlanganiswe ndzawonye kahle, kuze kutsi ilezane angeke ngisho... silolongwe saba sesimeni lesikahle impela, kuze kutsi sihlale kahle sitsi nciamashi ngaphandle kwekufaka semende.

<sup>63</sup> Nguleyondlela liBandla lelitofanele libe ngayo, licijiswe kakhulu, Livi lilola liBandla, kuze kutsi uma Khristu efika kutotsatsa liBandla, inkonzo, liBandla litovele litsatse kuko ngco, futsi litovusa Luther, Wesley, iPhentekhosti nabo bonkhe, futsi benyuke naLo, kunjalo, kwenyusa liBandla.

<sup>64</sup> Manje, ngesikhatsi, sitfola ekulungisisweni Lebekakwentile kwakukutsi, eNtalweni, noma, ku-Abrahama, ekucaleni naLuther, kungcweliswa, sahluko se 15, ngesikhatsi Acinisekisa

sivumelwano ngengati, sahluko se17 Waniketa Moya loNgcwele, umnyaka wePhentekhostali, ngoba, niyabona, tonkhe leto letinye tincenyen tatiyintfo letsite ngaphandle kwaloko liBandla lelakwemukela kuYe, loko Abrahama lakwemukela kuYe. Kodvwa ngesikhatsi Atsi, “Ngingu-El Shaddai,” libele, amema Abrahama kutsi ete amunye emandla akhe ebeleni laNkulunkulu, advonsele kuPhila kwaNkulunkulu kuye lucobo, ngulapho la liBandla latfolo khona Moya loNgcwele, ngesikhatsi linambitsa ku—kuPhila kwaNkulunkulu, ngesikhatsi Lidvonseleka kuLo lucobo umbhabhatiso waMoya loNgcwele.

<sup>65</sup> Wase Wentani ke? NgekwemBhalo nje, njengoba sikufakazele itolo ebusuku, sitsatsa loko lokufanako... Landzela, Nkulunkulu angeke aphikisane nemitsetfo yaKhe luCobo. Kungalesosizatfu Atsatsa iNdvodzana yaKhe luCobo, esahlukweni se 17 saMatewu, futsi waMenyusela eNtsabeni yekuGuculwa simo, futsi waMbeka endzaweni lenguyonayona, njengoba umtsetfo waKhe wawunjalo; Wakwenta. Futsi-ke, ngesikhatsi Enta loko, khona-ke siyatfola, Walandzela imitsetfo yaKhe luCobo, futsi lapha Watsatsa Abrahama ngendlela lefanako. Futsi wena utsi, “Ucinisekile ngaloko, Mnaketfu Branham, livesi le 4 nele 5?” Yebo, mnumzane.

<sup>66</sup> Niyabona, ngesikhatsi Anika Abrahama incenye yeliGama laKhe, ngekwendzawo lenguyonayona wabeka ligama lakhe eshekeni, ngalokufanako njengoba laKhe belinjalo...Lakhe ngu-*Elohim*, *Abrahama*. Niyabona na? Wamnika incenye yeliGama laKhe luCobo. Kusambulo lesikhulu lapha, futsi uyacondza kutsi ngingakuyisa khashanyana kunaloko, kodvwa liBandla, kantsi Belifanele ngabe litsatsa inyama lecinile, lisasolo linatsa lubisi. Kunjalo. Ngako, Wamnika liGama laKhe luCobo, *Abrahama*, futsi-ke ngesikhatsi Enta loko, intfo lelandzelako Layenta emvakwekuba Sekamnike lelogama, wakubeka loko egameni lakhe, wase Wentani ke? Wamnika sibonakaliso kutsi Bekasalungele ngekwelucobo kubhubhisa sonkhe sono lessasikuye, futsi ngekwendzawo lenguyonayona wabeka umtimba wakhe esimeni sekwemukela iNdvodzana letsenjiswi lebekayilindzile, impela Lakwentile eBandleni.

<sup>67</sup> Sasiyini sibonakaliso sekugcina Lasinika Abrahama? Bekafulatsele lithende, futsi watjela Sara kutsi bekentani futsi acabanga ngekhatsi kwelithende.

<sup>68</sup> Futsi Jesu, iNtalo ya-Abrahama yeliciniso, wangempela, umProfethi weliciniso, Nkulunkulu-mProfethi, loweta emhlabeni futsi wabonakalisa sibonakaliso lesifanako ekupheleni kwema Juda, kucabangeni, ngesikhatsi Efika emhlabeni, Wentani na? Watsi kuSimoni, “Ligama lakho unguSimoni, uyindvodzana yaJonase,” umuntfu lobekangakwati kubhala ligama lakhe lucobo, naSimoni wacondza masinyane, ngekufundzisa kwababe wakhe, kutsi Mesiya bekatoba nesibonakaliso lesinjalo, futsi waMbona futsi waMemukela.

<sup>69</sup> Filiphu, watsi nje angakubona, wagijima, watjela Nathanayeli, naNathanayeli weta ngaselusentseni naye, futsi wagijima wenyukela lapho la Jesu bekakhona, naJesu wambuka, wase utsi, “UngumIsrayeli, lokungekho nkohhliso kuye.”

Watsi, “Ungati nini Wena, Rabi?”

Watsi, “Ngaphambi kwekutsi Filiphu akubite, ngesikhatsi ungaphansi kwesihlahla, ngikubonile.”

Futsi yentani leyo yangempela, lekhetsiwe, indvodzana yaNkulunkulu leyamiselwa ngaphambilna? “Rabi, UyiNdvodzana yaNkulunkulu; UyiNkhosi ya-Israyeli.”

Watsi, “Ubusisiwe wena.”

<sup>70</sup> Bese-ke Wehlela kulowesifazane eSamariya, ngoba emaSamariya bekafunai, niyati, bekafuna Mesiya. Noma ngubani lofuna Mesiya, Utokuta, uma ulapha uMfuna kusihlwa, Utohlangana nawe. Kodvwa uma ningaMfuni, Uto—U—Uto... Naye Akanifuni ngalokunjalo, uma ningaMfuni, Angeke ete kini. Kodvwa emaSamariya bekabuka.

<sup>71</sup> Manje, kunetive letintsatfu kuphela tebantfu emhlabeni, Hamu, Shemu, nebantfu bakaJafethe, liJuda, weTive, nemSamariya, nalolonkhe loluhlobo luvela kuko konkhe loko.

<sup>72</sup> Futsi manje, caphelani Phetro anetikhiya, kufakazela loko manje, Phetro anetikhiya teMbuso. Bangakhi labakhholwako kutsi u...Nkulunkulu wamnika tikhiya? Jesu wakwenta, impela Wakwenta. Futsi watisebentisa nini? ETentweni 2, kumaJuda. Wase-ke wehlela ngco kumaSamariya, naloku nje Filiphu bekehlide wase uyababbahhatisa eGameni laJesu Khristu, kodvwa beba sengakamemukeli Moya loNgcwele ngaleso sikhatsi, ngoba Phetro bekanetikhiya. Wehla, wabeka tandla takhe etikwabo, base bemukela Moya loNgcwele.

<sup>73</sup> Bese-ke, lokulandzelako, yini situkulwane lesilandzelako...liklasi lelilandzelako? BeTive. Futsi wenyuka wase uvula liVangeli kubeTive. Futsi kusukela kuloko, kwakungasekho sidzingo setikhiya taSimoni Phetro, ngoba kwase kuvele kuvulwe emhlabeni wonkhe.

<sup>74</sup> Manje, beTive bebangafuni kwasaMesiya, kodvwa emaJuda nemaSamariya kwakungiko. Watimemetela kanjani Yena lucobo? Intfo lefanako Layenta eSodoma. Wentani Yena kumaSamariya? Ngesikhatsi lowesifazane aphuma, lowesifazane ne, ingwadla, weta emtfonjeni, noma, lowesifazane aphiла ngekuphinga, bekanemadvodza lasitfupha, lasihlanu lebekawalahlide futsi asahlala nayinye ngalesosikhatsi, futsi weta emtfonjeni kutothka emanti, naJesu wambona, futsi Watsi, “Mfati, Nginatsise”:

<sup>75</sup> Wase utsi, “Wena...akusilo lisiko, tsine si, sinekubandlululana ngalapha. UliJuda, futsi nginguwesifazane

waseSamariya, Awukafaneli ungicele intfo lenjengaley. Asidlelani, lomunye nalomunye.”

Watsi, “Kodvwa kube bewati kutsi Ngubani lobewukhuluma naye, bewutocela kiMi emanti.”

Nengcogco yachubeka wate Wachumana nemoya wakhe, wase-ke Utsi, Watfola loko lebekakufuna, Watsi, “Hamba, ulandze indvodza yakho, bese nita lapha.”

Watsi, “Anginandvodza.”

Watsi, “Ukhulume liciniso, ngoba bewunalasihlanu, nalena lohlala nayo manje ayisiyo indvodza yakho.”

<sup>76</sup> Watsi, “Mnumzane,” lalela lona wesifazane, manje lona ngumSamariya, watsi, “Mnumzane, ngiyabona kutsi ungumprofethi Wena. Manje, siyati uma Mesiya efika, Utositjela letintfo leti.” Loko kwakutoba sibonakaliso saMesiya.

NaJesu watsi, “NginguYe lolokhuluma nawe.”

<sup>77</sup> Futsi wentani? Wawisa imbita yemanti, wase ugijimela edolobheni, futsi watsi, “Wotani, nibone uMuntfu longitjеле tintfo lengitentile. Ngabe akusuye yini yena kanye loMesiya?” NeliBhayibheli latsi emadvodza elidolobha amkholwa Jesu kutsi unguMesiya, ngoba Bekatjele lowesifazane tintfo lebekatentile.

<sup>78</sup> Manje, wake waveta ngalesinye sikhatsi Wenta loko kuweTive, Akazange. Kodvwa Jesu watsi ngesikhatsi beTive, noma...Ba—ba—baFarisi, nebashumayeli bangalolosuku, watsi Bekawamoya longakalungi enta loko, kutsi liVangeli laKhe lalingesilo liciniso, ngoba ba...Bekadzilita emabandla abo netinhlangano tabo, abita lesositukulwane setinyoka nako konkhe lokunye, timphisi, nakokonkhe lebe Kangakucabanga, Bekabacetula ekhatsi bavuleke imphela.

<sup>79</sup> Kodvwa noko, Watsi, “Uma Ngingenti imisebenti yaBabe waMi, ningaNgikholwa, kodvwa uma Ngenta imisebenti yaBabe waMi, khona-ke kholwani lemisebenti.” Liciniso lelo lanoma ngumuphi umuntfu, Nkulunkulu akayesekeli inkonzo yakhe, khona-ke akusiyo inkonzo yaNkulunkulu.

<sup>80</sup> Caphelani-ke, lona wesifazane, watsi, “Wotani, nibone leNdvodza,” nebantfu baseSamariya bakholwa ngiko, Akazange aphindze akwente, Wakwenta nje loko ngaleso sikhatsi sinye, kodvwa lowesifazane beka...watjela besilisa kutsi Jesu wakwenta. Kwesibili, ngewesifazane, lidolobha lonkhe lakholwa nguJesu, ngenca yalowo mmangaliso munye.

<sup>81</sup> Ngiyatibuta kutsi kutokwentekani eMerica? Leyongwadla iyokuma ekwaHlulelweni futsi ilahle emashumi etigidzi temalunga elibandla ekwaHlulelweni, ngoba hhayi kanye kuphela, kodvwa tinkhulungwane letiphindvwe katinkhulungwane tetikhatsi kwenteka eveni lonkhe, emhlabeni jikelele, ihlolwe yisayensi, wonkhe umgceki lebe ungahamba wendlule kuye, futsi isasolo iphuma imsulwa ngemaphesenti

lalikhulu, uMoya loyiNgcwele, leLivi liyesekela. Sitokuma kuphi, bazalwane, ngalolo Suku? Kucabangisise nje. Futsi loko kungahle kube ngaphambi kwasekuseni, sisekugcineni; ngitotfola lokunengi kuloko kusasa.

<sup>82</sup> Caphelani, Wambeka, umnika sibonakaliso, loko Lebekangiko, futsi niyakhumbula, Kwaku nguNkulunkulu Somandla, Bekungesu *umuntfu*, lobekayinyama yemuntfu nje lapho, wanyamalala kancanyana nje, kodvwa BekunguNkulunkulu, Atenta atiwe kula baKhetsiwe, lababitelwe ngephandle, liBandla lelehlukanisiwe. Khumbulani, hhayi lidolobha lelihleliwe, hhayi lidolobha, kodvwa licembu lebelizulazula etingwadvule, litsatsa indlela nalabayingcosana labedzelelekile beNkhosi. Njengasosonkhe sikhatsi, Nkulunkulu wadzingeka abite bantfwana baKhe kutsi bangene ehlane, futsi basuke kuletintfo leti.

<sup>83</sup> Wambita, wakhombisa lesosibonakaliso kuye, futsi wachubeka, na-Abrahama wakholwa futsi masinyane waguculwa. Ngesikhatsi leyoNgelosi isuka enkhundleni, Abrahama bekanemtimba loguculiwe, futsi walungiselela, nendvodzana yefika lebeyitsenjisiwe.

<sup>84</sup> Ngalolunye lwaletinsuku leti, liVangeli leliyifashini lendzala lenilivako litothuliswa ngalolunye lwaletinsuku leti, neliBandla litokwemukela umtimba, lokhatimulisiwe. Utofanele ube nalolohlobo lwemtimba kutsi wenyuke futsi uhlangane naYe emoyeni, singeke singene *kulolu* hlobo lwemtimba. Ngako labo lababukako, labo labalalele, labo labalalelako ngulabo labatoguculwa ngesikhashana, ngekucwabita kweliso, futsi sihlwitfwe ndzawonye kutsi sihlangabete iNkhosi emoyeni, iNdvodzana yaNkulunkulu lebeyilindzelwe, lebesisolo siyibukile kusukela sine... singacondza kutsi singemaKhristu.

<sup>85</sup> Khumbulani, sikufakazele loko itolo ebusuku, kutsi wehlela kanjani eGerari, kutsi Sarah, wesifazane lomdzala loneminyaka lelikhulu budzala... Ngalokwejwayelekile, ngitfola incwadzi noma letimbili kuloko, ngitsi, "Yebo-ke, baphila nje timphilo letindze." Kodvwa ngifuna nicaphele sahluko se 18, nesahluko se 17, futsi, liBhayibheli latsi besebaguge kakhulu ngeminyaka, sebagobene, badvondvolotela, bagugile. Futsi ngesikhatsi befika entasi lapho, Abimeleki, leyonkhosi, beyifuna sithandwa emkhatsini wabo bonkhe besifazane labahle bemaFilisti, kepha noko yatsandzana nalona lomdzala sibili, lomdzala, lomdzala, khokho wakhokho-wakhokho, futsi ngabe wamtsatsa kutsi abe ngumfati, kodvwa Nkulunkulu wamvikela.

<sup>86</sup> Ngifuna ucaphelle lapha, lokutsite, dzadze, uyati yini kutsi Sara bekamtsanda Abrahama kakhulu ngangekutsi yena, loyo wesifazane lomuhle, waze wambita ngenkhosi yakhe? Lokukutsi Pawula kamuva utsi, "Nine leningmadvodzakati akhe, kuphela nje uma nilalela liciniso."

<sup>87</sup> Sara akazange agcoke emafashinini elusuku, njengoba kwenta Nkkt. Loti. Mhlawumbe bekangumholi wenhloko yatotonkhe tinhlangano lapho bekasentasi lapho, umyeni wakhe bekangumphatsi-dolobha. Ngako, ngicabanga kutsi bekakhona, ebandleni labo lelikhulu, ekuseni ngesikhatsi tinsimbi tikhala, futsi bonkhe baphumela lapho, Kwangatsi ngiyabona bekanguwesifazane lowatiwako impela; bekangafuni kukushiya loko, bekaboshelwe emhlabeni.

<sup>88</sup> Nguleyondlela bantfu namuhla, abafuni kuva ngekufika kweNkhosi Jesu. Ngani, kuyintfo lenhle kakhulu lengingacabanga ngayo, kutsi Yena adzabule tibhakabbaka khona manje! Asiwelele kuko. Ngingahlala kanjani ngingawuguculi lona lomdzala lowomile, loshwaphene, logugile, umtimba logedletelako logcwewe konakala, kute ngaphandle kwekutsi timphetfu tesikhumba tiwudle, futsi titsatse lomphefumulo ekhatsi lapho lotsandza Nkulunkulu, futsi uhhlangane naWilliam Branham lomusha sha loneminyaka lengemashumi lamabili nakunye budzala longeke aphindze aguge, futsi ngeke, longeke abe nebulungu benhlitiyo, noma ungalokotsi ufe, ungalokotsi ugule, kuyohlala nalabaKhetsiwe kuyoyonkhe leminyaka kulolonkhe liPhakadze? O, bengingeke ngicabange nganoma yini lenkhulu!

<sup>89</sup> Kungako ngifuna nifundze lofakazi lapha, lentfo lencane, Ngikubonile, ngiyati kutsi kuliciniso, ngachawula lapho, futsi-futsi, nebantu lebeba...lebgibati. Futsi be—bengime ngitibuka mine lucobo, ngilele lapha embhedzeni, futsi naku bengimile, akukhashane kakhulu, angeke sibe nesikhatsi lesidze kakhulu sekuhamba, ngoba bengimile lapha impela njengoba ngimile kulepulipiti. Futsi ngacabanga, “Manje lapha, ngilele lapho, futsi bengingema kanjani lapha?” Ngalokufanako nje njengoba nginjalo khona manje. Bekunebantu, bonkhe babahle, ngiyababona labo besifazane.

<sup>90</sup> Bengisolo ngitsi kubalukhuni kubesifazane, kodywa angi—angikacondzi nine besifazane laba ngemaKhristu, Ngiconde labo labenta kwangatsi bangemaKhristu kepha bangesiwo, niyabona, bafuna kuba boJezebeli, cha, mnumzane, balandzela tintfo telive. Impela ngiyawabeka phansi, futsi ngi—ngivele nje, ngifanele ngente loko, akukho lengingakwenta ngaloko. Kodywa ufanele ube nalomubi kwenta lokuhle kukhanye; ufanele ube nebusuku kute utfokotele imini; ube nalokungesiko kute utotfokotela lokulungile. Konkhe kusebentelana kube ngulokuhle kwaNkulunkulu, nenkhatimulo yaKhe, usenkhundleni yemphi hhayi umhlabatsi wekuvakasha.

<sup>91</sup> Imphi! Wonkhe umuntfu utsi, “Wota, ube ngumKhristu, yonkhe intfo itohamba kahle.” Cha, mnumzane, akusiko kwemKhristu, “Bonkhe labaphila ngekumesaba Nkulunkulu kuKhristu Jesu bayohlushwa.” Ufanele uhlekwe, futsi kuhlekiswe ngawe, bakugcovagcove, ukhahlelwe, kuhlekiswe

ngawe, “Uma babita iNkhosi yendlu Bhelzebule, bayobabita kangakanani-ke bafundzi baKhe?”

<sup>92</sup> “Ngitotsatsa indlela nalabayengcosana labedzelelekile beNkhosi, ngicale kungena naJesu, O Nkhosi, ngendlulise.” Kunjalo. Loko kwami-loko kwami-loko ngulokunye lengingakwenta kutsi ngendlule kuko.

<sup>93</sup> Uma kuphela ngibuka phansi kusihlwa, futsi ngibuke lapha kulelidolobha, ngibuke kuletinyanga letintsatfu letendlulile lapho ngike ngaya khona esiveni sonkhe futsi ngibona kuhlubuka kwemabandla, kunganaki kwebelusi, kubona kunganaki emkhatsini webantfu labaphumako, babukeka njengenhlanti nemalofu, futsi—futsi intfo yekucala lencane yabanelulaka lolwenele kulwa nelisaha leliyindingilizi, futsi labanganaki, labanyanyekako, bantfu bePhentekhostali, inhlangano yebafundisi ifuna kungikhipa eringini ngoba nje ngivumela indvodza ngembili lobekangaka bhabhatiswa ngendlela lebebacabanga kutsi ufanele abhabhatiswe ngayo, futsi—futsi ba...O, kunganaki lokunje pho! Kube bengibuke khona lapha, bengi—bengitoyekela. Ngijajabula kutsi Nkulunkulu wangibamba ngaphambi kwekutsi libandla lingibambe, njengoba ngatfola ngaNkulunkulu. Kunjalo. Watfola kutsi Nkulunkulu bekaphatseka.

<sup>94</sup> UMnumz. Baxter, wake, Ern Baxter, bekavamise kungiphatsela imikhankhaso, watsi enhla eCanada, bebanawo, ngalesinye sikhatsi bekukhona lokuncintisana kuwina libhayisikili lelisha leSchwinn. Bebanelibodi lebelibanti ngangelunyawo, badzingeka baligibele emashumi lasihlanu, noma emayadi lalikhulu, bahleti cishe emafidi lamatsatfu emoyeni. Futsi bonkhe lapho beba bompetha, Ern watsi, “Ngingaya entasi nelidolobha, ngitfole emagrosa amake wami, ngiwafake ngaphansi kwemikhono yami, futsi ngite ngasetimotweni tasesitaladini, etulu ngasetimotweni futsi ngingatsintsi timphondvo tami.” Watsi, “Ngingagibela.” Wahlala emuva kulo, futsi wagibela ngalokufanako nje njengoba bekangakhona aya embili, watsi, “Akukenti mehluko kimi.” Futsi cishe bonkhe babo kwakubo mpetha, futsi bebacinisekile kutsi bebatowina lelobhayisikili leSchwinn.

<sup>95</sup> Futsi bebanemfo munye lomncane losasitabane emkhatsini wabo, bekangesuye umgibeli lokahle kakhulu, bebatu kutsi bekangeke awine. Kodvwa ngesikhatsi bababeka bonkhe emzileni futsi babacale, bonkhe bawa, kodvwa lona lomncane, umfana longudzadze, wagibela lakhe waphuma waya ekugcineni, wehla, wemukela umvuzo, watsatsa libhayisikili. Futsi bonkhe bafo bamtungeleta, batsi, “Sitjele kutsi ukwente kanjani.”

<sup>96</sup> Watsi, “Bafana, ngitonitjela kutsi nalenta kuphi liphutsa lenu.” Watsi, “Ngikucabangile konkhe ngaphambi kwekutsi

ngifike lapho.” Loyo ngumcondvo lomuhle. Watsi, “Uyabona, nonkhe benitama *kanjena* kugcina libhayisikili ebhodini, nibuka phansi ngco *kanje* ebhayisikilini lenu, kunente naba neluvalo, nase niyalena nalena, nawa. Futsi ngibonile lapho nente khona emaphutsa enu.” Watsi, “Angikaze ngibuke kutsi yini lephansi *lapha*, ngivele ngabuka kuphela ekugcineni futsi ngachubeka nginganyakati.” Nguloko-ke. Nguloko-ke! Bukisisani siphethfo futsi nisolo nichubeka njalo, chubekani nje nichubeke.

<sup>97</sup> Bengiyodvumateka kulobusuku, kutsi kube bekungasiko kwaloko, ngibukisisa ekugcineni kuphela, ngitigcina nje nginganyakati. Chubeka, akunandzaba kutsi kwentekani, chubeka nje, ungakubuki loko, chubeka nje ubuke ekugcineni, ngulapho la uhlangana khona naNkulunkulu entasi lapho ekugcineni, ngulapho la imivuzo iniketwa khona. Ungaphambuki *lapha*, chubeka uye ekugcineni. “Loyo lokhutsatelako kuze kube sekupheleni, naye ujosindziswa,” umBhalo.

<sup>98</sup> Manje, siyatfola-ke kutsi kuciniswa kwe, kwa-Abrahama, kuniketa... Futsi yonkhe intfo yagucuka yabangiyo impela nje, manje. Manje bukisisani, umtsefio munye Nkulunkulu lawunika liBandla laKhe, akukho ngisho nayinye—akukho nayinye intfo Layetsembiso Abrahama, akukho nayinye intfo Layenta ku-Abrahama, kodvwa loko Lakwentile, noma, lanikete liBandla, ngaphandle kwentfo yinye, kuguculwa kwemtimba. Futsi uma Enta loko...

<sup>99</sup> Manje khumbulani, Sara wadzingeka aguculwe. Bangakhi lokukholwako loko? Phakamisa sandla sakho. Bekafanele abe nemtimba loguculiwe. Bekeneminyaka lelikhulu budzala, bekangabeleka kanjani umntfwana?

<sup>100</sup> Abrahama, yebo-ke, liBhayibheli latsi, njengemuntfu lebekatkwenta, umtimba wakhe wase ufile iminyaka leminengi. Fundzani baseRoma sahluko se 4, lapho kwatsi khona, “Abrahama akanakanga umtimba wakhe lucobo, manje njengalofile, kanjalo nekuva kwesibeletfo saSara. Akangabatanga ngesetsembiso saNkulunkulu ngekungakholwa, kodvwa wacina, anika Nkulunkulu ludvumo,” wachubeka nje.

<sup>101</sup> Manje, umtimba wakhe wawungenambewu, ungatali, aneminyaka lelikhulu budzala, futsi ufile, ngekwelicensi. Sibeletfo saSara sasifile, singenacandza, imitsambo yelubisi igugile, emabele ashwaphene. Nenhltiyo, kutsi wesifazane loneminyaka lelikhulu budzala kutsi angene emhelweni? Niyabona, bekukhona... Bekafana nalofile nje, kodvwa-ke bekangeke abe naloloswane, bekangeke asemukele lesosetsembiso, ngaphandle uma aguculwa.

<sup>102</sup> “Manje, utama kutsini, Mnaketfu Branham?” Lalelisansi, singeke kuloluhlobo lolu lwemitimba, semukele iNdvodzana letsenjiswi, ngoba Aketi emhlaben, sifanele sihlwifwe.

Imitimba yetfu itoguculwa, ngesikhashana, ngekucwabita kweliso, futsi sifanele sihlwifwe kutsi siMhlangabete emoyeni. Futsi sibonakaliso sekugcina saniketwa, ngaphambi kwekubhujiswa, kwakukutsi iNgelosi, ikhombisa kutsi Nkulunkulu bekatobe ahlala kulokufako, inyama yemunfu, enta leso sibonakaliso lesifanako, ngaphambi kwekutsi imitimba yetfu iguculwe, futsi leso sibonakaliso sekugcina liBandla lelisitfolako.

<sup>103</sup> Ngikhombise intfo yinye ngetulu Nkulunkulu layenta ku-Abraham, ngikhombise lesinye futsi sibonakaliso Lamnika sona kunaleso sibonakaliso lapho, leso beku sibonakaliso sekugcina. Wonkhe lokwatiko loko, bafundzi beliBhayibheli, tsanini, "Amen." Leso sibonakaliso sekugcina lesaniketwa; lesi sibonakaliso sekugcina. Bandla, ngiveni, eGameni leNkhosi!

<sup>104</sup> Bukani imfundvo yami, kungeneli kwami kwekushumayela, angibambi sifundvo sami futsi ngikhulume njengalabagcotjiwe, noma, bashumayeli labafundzile bakhuluma impela. Ningakulaleli loko, lalelani lelenginitjela kona, Livi laNkulunkulu, Nkulunkulu usemvakwako, ngoba Ulifikazele Livi lelishunyayelwako. Uma ningeke ningikholtse, nitsi, "Yebo-ke, wena, Mnaketfu Branham awusuye wenhangano yetfu," yebo-ke, kholwani lemisebenti ke, inhangano ayihambe, futsi nikholwe lemisebenti. Kutsatse ukuyise enhlanganweni yakho lucobo, ubatfole kutsi bakukholwe, bewungenta umsebenti loncono ngaleso sikhatsi, kuna lebe ngingakwenta, noma ungashaya Nkulunkulu akwente, Nkulunkulu angeke akwente cobo lwaKhe.

<sup>105</sup> Caphelani, sahluko se 18 ngulapho Enta khona loku. Sahluko se 17 manje, Umnika emandla alommangaliso, umnika Moya loNgcwele, ngalamanye emagama, akadvonse kwaKhe, kuPhila kwaNkulunkulu luCobo kube kwakhe lucobo.

<sup>106</sup> Manje, sentani uma semukela Moya loNgcwele? Sitsatsa kuPhila kwaNkulunkulu kukwetfu. Ngabe kunjalo? Ini: sihlanganisa kuPhila kwaNkulunkulu kukwetfu. Singemadvodzana aNkulunkulu, ngoba sidvonsa kuNkulunkulu, Moya loyiNgcwele usenta emadvodzana aNkulunkulu. Kwentani loko? Kusenta silungele ke, kuntjintja. O, mnaketfu, kusenta silungele luntjintjo lolulungiselela kuta, sigcwaliswe ngaMoya. Ncika nje esifubeni saKhe, futsi uchubeke nekudvonsa. Khona-ke siyaguculwa ngalolunye lwaletinsuku leti, kutsi khona masinyane, futsi, ngingakwetsembisa loko, iNdvodzana letsenjisiwe isendleleni yaYo.

<sup>107</sup> Manje caphelani, masinyane emvakwaloko, Sara uba ngulokhulelw, futsi bekti kutsi bekatoba naloluswane. Manje, usemncane manje, muhle, ngisho nenkhosi yatsandzana naye. Bekafanele agcane, noma leyonkhosi yayingeke itsandzane

naye, niyati, beka nguvesifazane lomuhle, futsi bekafuna kumshada, futsi—futsi Nkulunkulu wamvikela.

<sup>108</sup> Lenye futsi intfo yinye lengifuna kufinyelela kuyo ebandleni, manje, labanye benu bahleti lapha, itolo ebusuku ngesikhatsi lugcobo lusetikwami, bengitivela lawomalandabi lamancane ekhatsi lapho, Bengitama kucabanga ngako, ngakubhala phansi lapha kute ngingakukhohlwa, Ngikubambile loko itolo ebusuku, kutsi nicabanga kutsi, “Yebo-ke, nge—ngente *kutsi-nekutsi*, ngente *kutsi-nekutsi*.” Tikhatsi letinengi, ngitfola bantfu bangeke ngisho bete elayinini lala bakhulekelwako, bangeke batsatse ngisho inombolo yabo uma babitwa, bayesaba kutsi loko kutobitwa, tintfo letitsite. Manje, bengivamise kukuchumisa loko ngikukhiphe ngco, nonkhe niyakwati loko, futsi hhayi ngaphandle uma ngiholeleke mbamba kutsi ngikwente, angisakwenti nhlobo.

<sup>109</sup> Manje, utokwenta emaphutsa akho. Wena utsi, “Mnaketfu Branham, akunandzaba kutsi bengiyoke ngenteni, bengingeke ngifanelwe.” Kunjalo. Kodvwa bukani, wena utsi, “Mnaketfu Branham, ngalesinye sikhatsi angiwukholwanga loMlayeto.” Kunjalo, ngi—ngiyacabanga labanengi benu abazange, bengingeke ngikwente, ngiyacabanga, cobo lwami, Beningeke ngikwente ngaphandle uma Nkulunkulu aKwembulile kimi. Be—bewuyoba ne... Sambulo, lonkhe liBandla lakhelwe esambulweni, ngaphandle kwesambulo ungeke uze ulibone, uphumphutsekile.

<sup>110</sup> Jesu... LiBhayibheli latsi, ngiyakholwa, Matewu 12, ngikholwa kutsi bekunguye, lapho atsi khona, “Naloku nje Jesu bekente imimangaliso leminengi kakhulu embikwabo, noko bebangeke bakholwe, ngoba Isaya watsi, ‘Banemehlo, kepha ababoni; tindlebe, kepha abeve,’” futsi impela, bantfu labangcwele sibili, kona kanye nje lulata lwebungcwele. Ngako bungcwele abusiko konkhe, kuphila lokungcwele akusiko konkhe, kukholwa kuyintfo lemcola.

<sup>111</sup> Manje lalelani, bandla, ngifuna kuphonsa loku ekhatsi lapha, ngoba ngikholwa kutsi Moya loyiNgewe wangitjela kutsi ngikwente, ungahe kube uhleti lapho, lokukutsi labanye benu banjalo, ngiyati kutsi ninjalo, niphikisana nami, khona manje, manje ngingalibita ligama lakho uma ufunu ngikwente, ngako, ngiyakwati loko, kodvwa futsi ngingabona embili kunaloko, kutsi nitokukholwa ngalolunye lwaletinsuku leti.

<sup>112</sup> Ngako ngitofaka loku nje, kute nitocondza, kute ngikhone kuninika indzawana lencane yemusa lapha, lapho kungeke kube sikhatsi lesidze kakhulu, ute untjintje umcondvo wakho, labanye benu, labanye benu bangeke. Kodvwa khumbulanji, ngesikhatsi Sara acala kuva leyoNdvodza, lengumfanekiso weliBandla, ngesikhatsi eva loko, wabona leso sibonakaliso senteka ku-Abrahama, empeleni wahleka ngako enhlitiywensi yakhe, futsi

akakhlwanga futsi wasingabata kutsi singake sibenjalo. Ngabe kunjalo? Ngalesosikhatsi, Nkulunkulu bekayolisusa ligama lakhe. Ngabe kunjalo? Kodvwa Bekangeke, uyincenyе ya-Abrahama, bamunye.

<sup>113</sup> Futsi uma impela ungakachazeki, wangasetjentwa ngemadlingozi, ungenaso sivumokholo selibandla lesitsite, kodywa impela wemukela Moya loNgewe, futsi uyincenyе sibili yaKhristu, futsi usasolo uncikata kancane engcondvweni yakho, Nkulunkulu angeke akushove akususe kuloko, ngoba Angeke akwente, uyincenyе yaKhristu, Utokuletsa ecinisweni.

<sup>114</sup> Manje, uma ungakaze...uke, ungahle kube ukhulume ngetilimi, wadansa eMoyeni, futsi wenta tonkhe letintfo leti lapho, loko-loko akusho kutsi unaMoya loNgewe. O, hhe, hhe, loko kukhweshe ngemamayela lasigidzi kuko. Jesu akazange atsi, “Manje khumbulani, ngikholwa kutsi uma wemukela kugewala kwaMoya loNgewe, ukhuluma ngetilimi.” Kunjalo. Kodvwa Jesu akazange akwente, akukho mBhalo eBhayibhelini lotsi lobo bufakazi lobubonakalako baMoya loNgewe; Ngifuna niuwuvete, umaunjalo. Awukho umBhalo lonjalo njengalowo.

<sup>115</sup> Jesu watsi, “Niyobati ngesitselo sabo.” Nesitselo saMoya asisiko kukhuluma ngetilimi, leso siphwiwo saMoya loNgewe, emvakwekuba Moya loNgewe sekefikile, leso ngulesinyе setiphiwo lesihambisana naYe. Kushumayela, kukhuluma ngetilimi, kuhunyushwa kwetilimi, tonkhe letotintfo titiphiwo taMoya loNgewe.

<sup>116</sup> Bamangala ngeluSuku lwePhentekhosti, Phetro watsi, “Phendvukani, futsi nibhabhatiswe, nguloyo naloyo wenu, eGameni laJesu Khristu, kuko kutsetselelwa kwetono, khona niyokwemukeliswa Sipho saMoya loNgewe.” Niyabona na?

<sup>117</sup> Manje, kodywa khumbulani, ngikholwa kutsi uma ugcwala kakhulu Moya loNgewe u—u...iBhayibheli latsi, “Tindzebe letingingitako nangaletinyе tilimi Ngiyokhuluma kulabantfu laba.” Kungingita, kugcwele kakhulu Moya loNgewe ungeke washo lutfo ngelulwimi lwakho lucobo, ngulapho la ugcwaliswe khona ngaMoya loNgewe. Kodvwa ngiyakholwa kutsi uma ukholwa kuNkulunkulu ngayo yonkhe inhlitiyo yakho, futsi wemukele Jesu njengeMsindzisi wakho, unencenyе yallowoMoya loyiNgewe, ngoba Jesu watsi, “Loyo lova emaVi aMi futsi akholwe Ngulo Ngiftumile, unekuPhila lokuPhakadze.” Futsi sinye kuphela simo sekuphila lokuPhakadze. Khonake ungumntfwana nje, khona-ke ucala kuhamba ungene ekugcwaleni kwaMoya. Ukhula emseni, khona-ke u... [Akucoshwanga etheyiphini—Umhl.]

<sup>118</sup> ... Wesley, futsi manje ePhentekhosti, intfo lefanako, bese ke kuba kubekwa kwendvodzana, bese kuba siphwiwo sekugcina sesibonakaliso, khona-ke luhlwitfo lwemtimba, kuguculwa kwemtimba, neluHlwitfo.

<sup>119</sup> Manje, ngesikhatsi babuya, Sara wabona kutsi bekatoba ngumake. O, kufanele kutsi bekangudzadze lomncane lojabulile. Sengiyambona lowesifazane manje, leto letimnyama, tinwele leticwebetelako, lawo lamakhulu, emehlo layivelivethu, buso lobubukekako, bekanguwesifazane losemusha ngalesosikhatsi, cishe langasemashumini lamabili ekucaleni. Abrahama, acinile futsi aphilile, insizwa, iguculiwe isuka kulomdzala, umfo lodzabukile, waba yinsizwa, akhombisa loko Latokwenta kuyo yonkhe iNtalo ya-Abrahama, kunjalo impela.

<sup>120</sup> Bese-ke, intfo yekucala niyati, bebangabanjalo, baphile njengebantfu labasha. Base-ke batala lomntfwana lomncane, futsi ngesikhatsi cishe aneminyaka lelishumi nakubili budzala, Nkulunkulu watsi, “Manje, kwenta loku kuciniseke sibili kubo bonkhe bantfu, ngitofakaza kubo kutsi ngitokwentani, ngikhombise kutsi iNtalo ya-Abrahama ingeke ilingabate Livi laMi, iNtalo ya-Abrahama yeliciniso ingeke ilingabate Livi laMi.”

<sup>121</sup> Manje, nayi indlela yekuhlola kutsi uyiNtalo ya-Abrahama mbamba, noma cha: Uma libandla litsi, “Uyakukholwa loko, futsi ngitokukhahlela ngikukhiphe,” loko akusho lutfo eNtalweni ya-Abrahama, lutfo, loko nje kumbeka endleleni yakhe ngco, loko nje kuyamkhulula, nangu ahamba.

<sup>122</sup> Futsi, ngekubona kutsi beka—bekatoba ngubabe wetive, manje, Nkulunkulu watsi, “Ngifuna utsatse lomfana wakho, futsi ngitokukhombisa embonweni kutsi *luhlobo lolubukeka kanjani* lweligeuma loya kulo, intsaba, bese utsatsa lowomfana umenusele lapho, futsi umbhubhise kalula.”

<sup>123</sup> Ungake ucabange nje kutsi yini leyashelela yendlula emcondvweni wa-Abrahama njengemuntfu etulu *lapha*, etulu *lapha*? “Yebo-ke, ngitoba kanjani ngubabe wetive, futsi lapha ngilindze yonkhe leminyaka futsi ngatfola lomfana lapha, futsi nangu sewuneminyaka lelishumi nakubili budzala, Uyangikhipha manje, futsi utsi, ‘Mkhipheni nimbulale’? Kanjani...? Futsi Wangetsembisa kutsi ngalomfana lofanako, lona ngumfana Langetsembisa ngaSara, futsi kube—kube benginalomfana lapha, bekatoba ngubabe wetive, manje Uyangikhipha kutsi ngimbulale.”

<sup>124</sup> Ngulapho tihlakaniphi ticala kusebenta khona, kodvva livi langekhatsi lelincane belisolo atsi, “Wamkholelwa ini eminyakeni lengemashumi lamabili nesihlanu, noko?” Lelo livi langekhatsi lelincane latsi, “Yebo-ke...”

<sup>125</sup> Bese-ke kukhuphukela e, mphinjeni wakhe, bese-ke wenta kuvuma, “Ngamemukela njengalovela kulabafile, ngiciniseke ngalokugcwele kutsi Nkulunkulu unemandla ekumvusa kulabafile.” Nguloko-ke. Uma *loku* kuhamba ngikhulumpha phansi lapha, *loku* kuyathula.

<sup>126</sup> Njengoba ngasho ngalobunye busuku, ensimini yase-Edeni develi wakhetsa incenye yemuntfu, naNkulunkulu wakhetsa incenye; Nkulunkulu wakhetsa inhlitiyo yakhe, develi wakhetsa kuhlakanipha kwakhe. Futsi manje, namuhla, libandla namuhla, lincike kuyo yonkhe intfo ngekuhlakanipha, alicabangi ngenhlitiyo. Niyabona na? Futsi intfo kuphela labangayibona, “Yebo-ke, angikhoni nje kukubona ngaleyondlela.” Awuboni ngemehlo akho, empeleni, ubuka ngemehlo akho, ubona ngenhlitiyo yakho. Ubuka noma yini, utsi, “Angikuboni nje.” U—uyalibuka, kodvwa awuliboni, lichaza kutsi *awulicondzi*, kucondza kwakho kuvela enhlitiywensi yakho.

<sup>127</sup> Manje, nangu manje, aka—akakucondzi emcondvvweni wakhe, utokwenta kanjani? Kuhlakanipha kwaKhe bekungamtjela loko, loko yimizindlo yakhe, kodvwa liBhayibheli latsi, “Silahla imizindlo.” Uyilahle isuke kitsi. Utsi, “Ngitosindza kanjani uma dokotela atsi, ‘Uma ngente loku...?’” Loko akukaphatselani ngalutfo nako.

<sup>128</sup> Utfola cishe munye kuwo onkhe emakhulu lasihlanu lakukholwa mbamba loko, uhleti khona lapho, futsi akukho lutfo eveni loluyoke lubagucule. Yebo-ke, sifanele senteni? Sikhetsa kuyo yonkhe intfo, site sitfole leyo. Kunjalo. Nkulunkulu uphenyisisa emhlabeni kutfola indvodza yinye. O Nkulunkulu! Uma ngicabanga ngaloko, kwenta inhlitiyo yami ivutse. Nkulunkulu uhlola umhlaba kutama kutfola umuntfu munye lototinikela kuYe, Bekahlala njalo akwenta.

<sup>129</sup> Watfola indvodza yinye ngelusuku lwaNowa, emashumini etigidzi netigidzi. Bantfu bafuna, njengekutsi nje, kunebantfu labanengi kakhulu njenga Samsoni namuhla, Samsoni wanika Nkulunkulu emandla akhe, kodvwa bekangeke aMnike inhlitiyo yakhe; Nkulunkulu beka ngawasebentisa emandla akhe, kodvwa hhayi inhlitiyo yakhe. Samsoni bekayindvodza letsibayi yemantfombatane, niyati, futsi nje akakhonanga kuMnika inhlitiyo yakhe, kwambita anikete leyo kuDelila, kodvwa wanikela ngemandla akhe kuNkulunkulu. Nkulunkulu wasebentisa emandla akhe, kodvwa Bekangeke asebentise inhlitiyo yakhe.

<sup>130</sup> Labanengi kakhulu namuhla, Nkulunkulu, utoniketa buhlakaniphi bakho kuNkulunkulu, “NgitoKwakhela Wena indlu lenkhulu, ngitokwentela Wena inhlango, ngitokwenta *loku*, ngitokwenta *lokwa*.” Anicondzi yini kutsi leyo yintfo lefanako leyentiwa nguKhayini futsi wencatjwa?

<sup>131</sup> Khayini watakhela i-altari, futsi wenta umhlatjelo, futsi watsi, “Naku, ngitoKukhonta, ngiyaKukholwa. *Nango* ke umhlatjelo wami, *nayo* i-altari yami, kutsatse noma ukushiye.” Nguleyo indvodza namuhla, indvodza lekholvako, Esawu ngendlela lefanako, nelibandla ngendlela lefanako.

“Ngente *loku*, ngente *loku*, ngente *loku*.” Akusiko loko lokwentile, kunguloko Lakwentile. Mnikeni inhlitiyo yenu, futsi niMlandzele.

<sup>132</sup> Atama kutfola umuntfu lotoMlandzela. Bekenaye munye ngalesosikhatsi, Abrahama, bekanguloyo muntfu lophelele, noma yini Nkulunkulu layisho, loko bekulungile.

<sup>133</sup> Ngako bukisisani, ungake ucabange nje, manje, Abrahama bekangeke amtjеле Sara, umkakhe, loyo lobukekako, lomncane umfana loliJuda, cishe loneminyaka lelishumi nakubili budzala, latomtsatsa amkhuphule, futsi ajube umphimbo wakhe? Loko bekungaba yintfo lembi kabi kutjela Make, bekangeke amtjеле. Ngako, ngekusa lokulandzelako wavuka, futsi wakabha tinhkuni, watsi wacheketa tinhkuni, lokuchaza kutsi “watikabha,” watifaka esakeni lweluhlobo lolutsite, luhlobo lolutsite lwelisaka lesikhumba, walibeka emhlane wemnyuzi, futsi wabita tinceku letimbili, futsi watsi, “Isaka, wena nami sitokhonta, asitsatse iminyuzi. Make, sitobuya etinsukwini letimbawla.” Kulungile.

<sup>134</sup> Uyachubeka, wenyukela ngasetintsabeni uyahamba. Futsi khumbulani, wahamba luhambo lwetinsuku letintsatfu. Ngabe kunjalo na? Tinsuku letintsatfu. Manje, umuntfu lojwayelekile, nje noma ngumuphi umuntfu...naye asemncane, mhlawumbe aneminyaka lengemashumi lamabili budzala, emashumi lamabili nesihlanu. Ngesikhatsi ngisavamise kugadza, bengihamba emakhilomitha langemashumi lasihlanu nakubili nsuku tonkhe ngidzabula emahlatsini, futsi besivamise kugibela sonkhe sikhatsi. Wonkhe umuntfu bekenta loko ngealesosikhatsi kutsi kube kwekuhamba, kusekhatsi kwekutsi agibe umnyuzi, noma—noma—noma ahambe ngetinyawo. Ngako, ngingahamba ngetinyawo...Ngingabese ngitsi, etintsabeni wahamba lokungenani emamayela langemashumi lamatsatfu ngelilanga. Yebo-ke, emva kwekuba sekahambe ngetinyawo tinsuku letintsatfu emuva, wase-ke uphakamisa emehlo akhe futsi wabona lentsaba lebekayibona embonweni, lekhashane, wase ufika kuyo. Bukisisani lapho bekakhona manje, akhweshile emphucukweni. Ngiyakutsanza loku, loku kuhle kakhulu, ningakugeji.

<sup>135</sup> Ngesikhatsi befika entsabeni, Abrahama watsi ku-kulabafana lebebabambe iminyuzi, watsi, “Wena hlala lapha, bukisia iminyuzi, lomfana nami, siya ngaleya kuyokhonta, nalomfana nami sitobuya.”

<sup>136</sup> Utokusho kanjani loko, Abrahama, uma uya lapho kuyobulala loyomfana? Kuyini? Loko nguloko kukholwa. Akati kutsi kutokwenteka kanjani, kodvwa uyati kutsi kutokwenteka. O! O! O!

<sup>137</sup> Wena utsi, “Mnaketfu Branham, wenta bulima etulu lapho.” Yebo-ke, mhlawumbe ngiyakwenta, kodvwa ngitiva ngikahle

kakhulu. Ngitiva ngincono ngalendlela, kunaloko lengikwentile ekuhlakanipheni lokudzala kwenyama, ngako nginganconota kuhlala nginje.

<sup>138</sup> “Nine bafana lindzani lapha neminyuzi, lomfana nami siya ngaleya siyokhonta, futsi sitobuya.”

Kube-ke leNgelosi beyime lapho, futsi itsi, “Abrahama . . .”?

O, kube-ke develi bekeme ngale ngakulolunye luLangotsi, watsi, “Abrahama, ukhulume emanga”?

<sup>139</sup> “O, cha. Kukhona *lokutsite* phansi ekhatsi *lapha* lokungitjelako uma ngisho ngifanele ngimbulale, Ngamemukela njengalovela kulabafile, Nkulunkulu bekangamvusa abuyelete emhlabeni futsi. Lomfana nami sitobuya, ngoba leni? Nkulunkulu bekasavele angitjelile kutsi ngalomfana kutoba neNtalo letosindzisa tive. Futsi Wantjintja ligama lami wase ufaka *h-a-m* ekugcineni kweligama lami, futsi ngingubabe wetive ngalomfana, futsi angati kutsi Nkulunkulu utokwentani lapho, kodvwa Utokwenta.”

<sup>140</sup> *Whuu!* O, hhe, loko kubeka umlilo! Loko kukunika lokutsite kutsi ume kuko. Leyo akusiyo nayinye yala maKhatolika, tindzaba taSanta Claus talenyen info letsite lenebucili lengakaze yenteke, lowo ngu ISHO KANJE INKHOSI NKULUNKULU JEHOVA. Amen. “Akungenteli mehluko kutsi sibuya kanjani, siyabuya. Nguloko kuphela.”

<sup>141</sup> “Kanjani wena . . .?” Manje, uma Bekangatsi ku . . . Nayi indvodza, ihleti lapha inendvuku, iyimphumphutse, “Utokwemuukela kanjani kubona kwakho, mnumzane?” Vumela nje Nkulunkulu akhulume enhlitiywani yakhe kanye, futsi ubuke kutsi kwentekani. Mhlawumbe ukhona munye laphaya lonemdlavuza, lofako; munye emuva lapha lonenkhatsato yenhlitiyo, ubenekuhlolwa nje, dokotela watsi, “Angeke aphile, utokufa,” ake lelo livi langekhatsi lelincane livungute phansi lapha kanye, “Ngiyi Nkhosi lekuphilisako, ikunika kubona kwakho, lesusa umdlavuza, ikwenta uhambe.” Huh! Konkhe sekuphelile. Angikhatsali kutsi noma nguyiphile leyosayensi, noma yini lenye, akunandzaba uma dokotela abeka, imnika sitfombe lesidvwetjwe ngumshini lokala kushaya kwenhlitiyo, futsi wamtjela kutsi inhlitiyo yakhe yase ivele imile, bekatosolo akukholwa. Yebo, mnumzane. Utokwenta noma kanjani, akukho lokungakumisa, kunguloko—nguloko kukholwa lokungiko.

<sup>142</sup> Niyati kutsini? Ngitseseleleni, bazalwane, bodzadze, Angati kutsi kungani ngitokusho loku, kodvwa ku—kuyangiklinya kukusho. Ngiyati kutsi kukhona lokulungiselela kwenteka kimi, ngako ngi—ngiyehluleka nje. Kunjalo. Ludvumo kuNkulunkulu! Mnaketfu, ngibone lokunengi kakhulu kutentisa, lokuhle kwekweca, umMerica *lobitwa* ngekukholwa, kuze kungente ngingule esiswini sami. Bavangeli bagijimisa bantfu emigceni, futsi batsi, “Ooh, kuveni!” Utokwenta kanjani loko?

<sup>143</sup> Ngatfolia incwadzi levela eJalimane ngalelelinye lilanga, yemfundisi waseJalimane loliLuthela, inhloko yenhlanguano eJalimane, esifundzeni lesitsite lapho umvangeli bekakhona, futsi wakubita kunaka kwalomvangeli, watsi, “Lentfo loyentile ishaya bantfu ngenca yemali. Futsi bekungabanco kubo nine maMerica nahlala ngephandle kwalapha.” Kunjalo. Kunjalo, ngivumelana naye. Watsi, “Kutsiwani-ke ngeDebora Stadsklev lomncane, enhla lapho, uma utsi konkhe lokukholwa lokuhle kwekweca kwakokonkhe?”

<sup>144</sup> Nginencwadzi lecondze ngco efayeleni. Noma yini lengiyishoko kusukela lapha, mnaketfu, ngingayesekela. Niyabona na? Watsi, “Konkhe loku lapha kukholwa lobewukhuluma ngako kuba nako, kungani nonkhe nenta konkhe loko kuchachatela, nekugcuma, nayo yonkhe lenye intfo lapho, batama kutjela bantfu kutsi baphiliswa, futsi bentu *loku*, futsi benta *lokwa*, ngesikhatsi bangenjalo? Awuzange sewuletse kuphendvuka.” Watsi, “Awukalindzi ngani njengoba kwenta uMnaketfu Branham, ngesikhatsi bambita ngaDeborah Stadsklev lomncane? Walindza waze watfola imphendvulo lengumncamla-jucu levela kuNkulunkulu.” Nako laph’ukhona.

<sup>145</sup> Lindza ute uve, ISHO KANJE INKHOSI. Hlanta timphilo takho, suka ekungakholwini kwakho, yekelani kuba naloku *lokuhle kwekweca*, “Ngivile, ngyiatsintsia, nginengati, ngine . . .” O! Akumangalisi lentfo icwila! Ifanele ibuyelete eBhayibhelini laNkulunkulu, kuphendvuka ekungakholwini, hhayi *lokuhle kwekweca*, kushaya tandla, futsi kusebente encumbini yemadlingozi. Indzawo yekutalwa kwePhentekhostali ikuloko, letinsuku leti, batamatamise, bese utsi, “Kusho! Kusho! Kusho! Kusho! Kusho!” baze batsi kuluhlobo lolutsite lwelulimi lolungatiwa, noma utfole kudideka, bese utsi unaMoya loNgewe, futsi uphile noma nguluphi luhlobo lwekapuphila, nekungakholwa lokwenele kubo kuyokhipha sihogo sadeveli. “Kukholwa lokuhle kwekweca.” Ha!

<sup>146</sup> Yini indzaba ngami, empeleni? Nginitjela liciniso kuphela, ngalelinye lilanga nitokubamba, ngalelinye lilanga niyokwati kutsi nginitjele liciniso, liphimbo lami lingathula. U—ungahle—ungahle ukhone kuthulisa umtimba lokhulumako, kodywa ungeke uthulise lelophimbo, livela kuNkulunkulu. Bamgcoba ngematje Stefane, kodywa abakhonanga kumisa uMlayeto wakhe. Uyochubeka, lawomatheyiphu ayodlalwa emvakwekuba sengihambile iminyaka.

<sup>147</sup> Yebo, “lokuhle kwekweca,” umMerica, wakhiwe phansi kwalokunengu kukhatsateka, besifazane labapende buso bagcoke tikhindi nako konkhe lokunye, bagijima bendlula emalayinini, futsi babanyakatisa, bampongolota, “Ya, unako, haleluya, wena!” O, umbhedvo. Phendvukani! Buyani kuNkulunkulu. Sidzinga kuhlantwa. Amen.

<sup>148</sup> Ningacabangi kutsi ngitfukutsele, angikatfukutseli. Kube bengi, bengiyokwehlela lapho e-altari, ngiphendvuke ngaphambi kwekutsi ngicedze loMlayeto. Nginitjela kuphela Intfo letsite enhlitiywani yami lebilako, futsi ILivi laNkulunkulu. Udzinga kuhlantwa kusukela epulpiti kuya ekamelweni lelingaphansi, ndzawo tonkhe.

<sup>149</sup> “Kukholwa lokuhle kwekweca,” ayikho intfo lenjalo kuNkulunkulu. Kukholwa kwaNkulunkulu kumsulwa, lokucacile, lokumsulwa. Kunjalo. Intfo lengekhatsi, ihamba, itsi, “Ngiyakwemukela.” Mnaketfu, uyati kutsi ukuphi ke.

<sup>150</sup> Lapha kungesiko kadzeni, entasi le eKentucky, uMnaketfu Sullivan, lelidzala, lelipheshiwe, lihembe leliluhlata sasibhakabhaka, emehlo lamphunga ngalokutopele, wangibuka esweni, wase utsi, “Mshumayeli, ngiyakukholwa loko.” O, mnaketfu, loko bekungemaphesenti lalikhulu kuhlanganiswe; wakwenta. Futsi umdlavuza, ulenga eceleni kwebuso bakhe wawela phansi esiyilwani, wakukholwa. Labanengi kakhulu banelitsema esikhundleni sekukholwa. Manje, emaphephandzaba bekacuketse indzatjana yako, intsatseli ime lapho, nalomdlavuza wagicikela etinyaweni takhe, ayikwatanga kuyekela kubhala ngako, yaticoshela yona lucobo.

Utsi, “Kungani unga...? Angikakuboni, ndzawo.”

<sup>151</sup> Jesu watsi, “Bona kutsi awutjeli muntfu.” Sidvume kakhulu namuhla, kulungisa lokutsite embikwesive kukwenta...O, kuncono ngithule, ngichubeke. Caphelani, kodvwa loyo ngu ISHO KANJE INKHOSI.

<sup>152</sup> Abrahama watsatsa lomfo lomncane, bukisisani, wabeka tinkhuni emhlane wa-Isaka. Luhloba lwaKhristu netinkhuni emhlane waKhe. Basho benyuka intsaba, bachubeka benyuka, benyuka bendlula emahlatsi etingodvo, wenyukela phakatsi kwemadvwala lamakhulu, wenyukela etulu le emadvwaleni lamakhulu, aya emihlabatsini lemihlophe, wachubeka wenyukela etulu esicongweni sentsaba, lapho kungekho lutfo ngaphandle kwemivini lemidzala nje, netintfo tigocotwe etiphuntini, noma, emadvwala. Watigicitela ematje lalishumi nakubili ndzawonye, wabeka tinkhuni phansi, watsatsa umlilo, wokhela umhlatjelo..., uh, wokhela i-altari.

Isaka lomncane wabanekusola, watsi, “Babe wami?”

Watsi, “Ngilapha, ndvodzana yami.”

Watsi, “Nali li-altari, nati tinkhuni, nankhu umlilo, kodvwa liphi liwundlu, noma umhlatjelo?”

<sup>153</sup> Watsi, “Ndvodzana yami, Nkulunkulu utotibonela Yena liwundlu lalomhlatjelo.” Nako laph’ukhona. “Intfo kuphela lengiyentako kulandzela nje imiyalo, kukuNkulunkulu kuniketa liwundlu.”

<sup>154</sup> “Ngitokwemukela kanjani kubona kwami? Ngitokwenta kanjani...?” Loyo akusiwu umbuto, landzela imiyalo nje, ukholwa ngaphandle kwekwehluleka. Nkulunkulu utotibonela Yena liwundlu lemhlajelo.

<sup>155</sup> Wase utsi-ke, “Isaka, beka tandla takho emvakwakho.” Watsatsa intsambo wase ucala kubopha tandla takhe, Isaka wati ngalesosikhatsi. Bukisisani kulalela kwakhe, njengaJesu iNdvodzana yaNkulunkulu yeliciniso, iftobelu kufa, yatsatsa siphambano. Wabopha tandla takhe netinyawo takhe, Abrahama waphakamisa lomfana lomncane wase umbeka etikwelidvwala.

<sup>156</sup> Kwangatsi ngiyambona eme lapho, futsi atama ku, tihlakaniphi takhe titama kusebenta, “Utomtjela ini Sara uma ufika ekhaya?”

<sup>157</sup> “Ngi—ngi...” Kodywa lelivu langekhatsi lelincane belisolo litsi, “NginguJehova, Ngitoniketa. Wena vele uNgilandzele nje.” Niyabona, tintfo letimbili letisebentako, ngesikhatsi lesifanako. Nitolalela ini? Uma nilalela *luku*, nihamble; lalelani *luku*, ningeke nihamble, nifanele niciniseke (Lapha.), kuphelele.

<sup>158</sup> Manje, wadvonsela tinwele takhe emuva ebusweni bakhe, watsatsa inhloko yakhe, walibeka emuva kute umphimbo ungabi nalutfo, wavula lihembe lakhe lelincane futsi walidvonsela emuva, kute umphimbo wakhe ukhone...utsi, “Beka inhloko yakho emuva kancane, S’tandwa, ngaBabe.”

<sup>159</sup> Nicabanga kutsi loko bekulula? Bekufanele kubekhona intfo letsite phansi *lapha* lehambako, lutsandvo sibili lolu ngayokwehluleka. Wabeka inhloko yakhe emuva, wakhipha umukhwa lomkhulu *kanjalo*, ilezana nje, yakhala, wadvonsela inhloko yakhe emuva, wakukhipha, waphakamisela kuNkulunkulu, wabamba sicongo setinwele takhe, watibamba *kanjalo*, futsi waphakamisa sandla sakhe.

<sup>160</sup> Cishe ngalesosikhatsi Moya loNgewe wabamba sandla sakhe, “Misa sandla sakho nje, Abrahama, ngiyati kutsi uyaNgitsandza.”

<sup>161</sup> Futsi cishe ngalesosikhatsi sihhanca sakhala emvakwakhe, wawungekho lapho umzuzwana ngaphambili. Sihhanca sasinetimpundvo taso tihhuke emivinini, tibanjwe emvinini, “*Baa!*” Abrahama wacalata, wahamba, futsi watfola sihhanca, wasibeka etikwe-altari, wasibopha ngentsambo Isaka lebekaboshelwe nayo, futsi wabulala sihhanca.

<sup>162</sup> Ngifuna kunibuta lokutsite: Savelaphi lesosihhanca? Bekucishe kube ngemamayela lalikhulu kusuka emphucukweni emkhatsini wemabhubes, bojakalazi, lonkhe luhlobo, yonkhe intfo idla imvu, tinja tesiganga. Kantsi futsi, kwakusetulu le entsabenl lapho kungekho khona kudla noma emanti, futsi sasingekho lapho ngesikhatsi Abrahama atingela ematje lapho kwenta i-altari, kodvwa sasilapho. O Nkulunkulu!

Jehova-Jayira, Bekatibonele Yena liwundlu lalowomhlatjelo. Futsi UnguJehova-Jayira lofanako, kusihlwa, intfo kuphela kutsi, loko eNtalweni manje, ya-Abrahama, Sewuvele unikete liWundlu, liWundlu selivele libulewe, liWundlu lelophako.

<sup>163</sup> Manje, loyo kwakungesiwo umbono Abrahama lawubona, ngoba sihhanca sopha, nembono awophi. Niyabona na? Wabulala sihhanca. Nkulunkulu wasikhuluma saba khona, na-Abrahama wasikhapha ekubeni khona ngaphansi kwesikhatsi lesingumzuzu. Kwavela, futsi kwaphuma ngemzuzu lolandzelako, ngoba Nkulunkulu bekanesizatfu sako, ngoba Bekaletse umuntfu lotsite kuleyondzawo, amhlola. LiBhayibheli latsi Abrahama wahlolwa, neNtalo ya-Abrahama iyahlolwa. Manje, Nkulunkulu bekahlolola inceku yaKhe. Futsi Uyakhona kuniketa noma ente noma yini noma ngayiphi indlela Lafuna kuyenta, ngoba UnguJehova-Jayira.

<sup>164</sup> Manje, uma ugula, uhlaselekile, yebo-ke, akunandzaba kutsi yini lengalungi ngawe, uma Nkulunkulu akwembulile kuwe kutsi utoba...kutsi *sewuphilisiwe*, sewuvele nje, ngeliWundlu laKhe leliniketiwe, nadokotela utsi ungeke usindze, UnguJehova-Jayira, iNkhosi iyakhona kukuniketa emehlo latsite, NgiMbonile akwenta, iNkhosi inganiketa tindlebe, iNkhosi inganiphia imphilo, iNkhosi inganiphia emandla, UnguJehova-Jayira, umhlatjelo loniketiwe yiNkhosi. Futsi kuJesu Khristu, iNdvodzana yaNkulunkulu, konkhe loku kuhlangabetene nawe, iNtalo ya-Abrahama, uma kuphela utokholwa njengoba kwenta Abrahama. Uyawkwenta na?

Asikhotsamise tinhloko tetfu ke.

<sup>165</sup> NiyaGula na? Niyatdinga? Jehova-Jayira ukhona, Loyo lofanako Lowetsembisa tonkhe tintfo, aniketa tonkhe tibonakaliso, agcwalisca lonkhe Livi laKhe, ulapha kulendzawo lesekhati eMiddletown, e-Ohio, kusihlwa. Uma unesidzingo saKhe, phakamisa sandla sakho nje. Manje Mgcine engcondvweni yakho, ngisakhuleka.

<sup>166</sup> Babe loseZulwini, ngita ngeliGama leMhlatjelo waKho loniketiwe kutsi ngemukele njengeMsindzisi wami. Futsi Wagucula lena lembi, lenesibhuku, inhlitiyo yami yemuntfu wase Ireland, alele lapho embhedzeni, anemizuzu lemitsatfu nje kutsi aphile, ngadokotela longucwepheshwa, inhlitiyo yami ishaya kuphela ngalokuphindvw kalishumi nesikhombisa emzuzwini, kodvwa Jehova-Jayira wefika enkhundleni. Futsi loko sekube cishe yiminyaka lengemashumi lamatsatfu nesihlanu leyendlula, ngesikhatsi nginemizuzu lemitsatfu kutsi ngiphile, kodvwa Jehova-Jayira wanginika kuphila. Kungani ngingakakucitsi, ke, ngentele Yena?

<sup>167</sup> Kungahle kubekhona labanye lapha, kusihlwa, Nkhosi, akungabateki, mhlawumbe hhayi kabi kangako, kodvwa ngakwetsembisa lapho kuloyombhedze wasesibhedlela kutsi

angiyuze ngibe nemahloni ngaWe, kutsi ngitomela Livi laKho, Bendingalimemeta kakhulu ngisetikwetindlu, likona lesitaladi, futsi iminyaka lengemashumi lamatsatfu nakunye ngilimemete kakhulu Nkhosi.

<sup>168</sup> Manje inceku yaKho seiyaguga, ngikhuleka kuWe, Nkhosi, kutsi Utobusisa labantfu laba kusihlwa, futsi utobavumela babone leliciniso leliVangeli. Njengoba umbhali weliculo ashо:

Ngumusa lowafundzisa inhlitiyo yami  
kwesaba,  
Kwakungumusa kwesaba kwami kukhululiwe;  
Loyomusa wabonakala uligugu lelikhulu  
Li-awa lengacala kukholwa ngalo!  
Etingotini letinengi, tinkhatsato netihibe,  
Sengivele ngifikile;  
Kwaku nguJehova-Jayira longiletse  
ngekuphepha kute kube lapha,  
Futsi Uyongitsatsa angichubekisele embili.

<sup>169</sup> Nginike kukholwa kusihlwa, njengoba ngikhulekela labagulako. Ngisite, Nkhosi, futsi ngingikete bantfu kukholwa kutsi bakholve. Manje, akukho lutfo, Nkhosi, ngibatjelile ngiphindzaphindza, akukho lutfo kimi, noma ngumuphi lomunye umuntfu longenta loko Lose uvele ukwentile, kophiliswa kwabo sekuphelile, Wabahlenga ekuguleni kwabo ngesikhatsi Ubafela. Walinyatwa ngenca yetiphambeko tabo, ngemivimba yaKho baphiliswa.

<sup>170</sup> Kwangatsi bangaba nekukholwa kusihlwa, Nkhosi, hhayi kwetsembe kukunye kufaneleka kwemizwa letsite labebanayo, noma umuzwa lotsite, noma lokutsite, kodvwa kwangatsi bangeta nalokulula, kukholwa lokucace bha, nesincumo lesicace bha, "Kusihlwa, ngemukela Khristu njengeMphilisi wami. Ngalokuvela enhlityweni yami ngikholwa kutsi Uyangiphilisa." Siphe kona, Nkhosi, futsi konkhe kutophela. Siphe kona, Babe. Ngiyacela, eGameni laJesu. Amen.

<sup>171</sup> (Sikhatsi sini lesifanele siphume ngaso? Ngabe sikhona sikhatsi lesibekiwe?) Uma nonkhe nitohlonipha ngekutitfoba impela nje imizuzu lembalwa. Angikholwa kutsi sibe nelilayini lala bakhulekelwako lelibitwe etulu kwamanje, sinalo? Asikabiti lilayini lalabakhulekelwako kusukela sibe lapha. Nje bebanawo, kusuka la—kusuka—langembili? Kwakungesiyo yini leyondlela lebekungayo? Bekunguliphi likhadi lekukhulekelwa? A wekucala kuya ekhulwini?

<sup>172</sup> Ninganconota kutsi nje libitwe kusuka e-altari lapha? Bantfu labangenawo emakhadi ekukhulekelwa babitwe kanjalo, noma bantfu labanawo? Akunandzaba kimi, noma nguyiphi indlela letoniletsela kukholwa lokukhulu kunako konkhe. Uma nje nitoba nekukholwa futsi nikholwe, ningangabati, futsi nje nitohlala nihloniphe sibili, hlalani nithule.

<sup>173</sup> Manje, lesi sikhatsi, akunandzaba kutsi ngashumayela kangakanani, uma kungesilo liciniso, akusilo liciniso. Nkulunkulu angeke afakaze emanga, niyakwati loko, kodvwa uma kuliciniso, Nkulunkulu ubophelelekile kufakaza kuloko.

<sup>174</sup> Manje, bazalwane bami, bodzadze, nitokwenta ngemusa nje, chubekani nje nihloniphe ngekutitfoba ngako konkhe leningakwenta? Ake sibite lambalwa alawomakhadi. Uma singawatfoli kusihlwa, onkhe, sitowatfoli kusasa. Ake sitsatse nje cishe idazini, noma intfo lefana naleyo, langembili, bese-ke nivumela Moya loyiNgewe, uma Atsandza, acale etetsamelini.

<sup>175</sup> Bangakhi ngephandle lapho longenalo likhadi lekukhulekelwa futsi uyagulá? Phakamisani tandla tenu. Ndzwazo tonkhe...O, hhe! Bangakhi lonemakhadi ekukhulekelwa ke? Phakamisa sandla sakho. Banengi labangenawo emakhadi ekukhulekelwa, futsi kunalabambalwa nje labanemakhadi ekukhulekelwa. Mhlawumbe labanye babo itolo ebusuku banawo emakhadi ekukhulekelwa, lasele.

<sup>176</sup> (Unikete ini, kusukela kulekucala kuya kulemashumi lasihlanu, noma, kusukela kulekucala—kulekucala kuya ekhulwini, itolo ebusuku?) Asicale kusukela, sitsi, emashumi lasikhombisa nesihlanu. Loko kutoba kanjani? Sibone kutsi ngabe kulapha yini. Likhadi lekukhulekelwa lemashumi lasikhombisa nesihlanu, ngubani lonaloko, phakamisa sandla sakho? Cha? Yebo-ke, sitocala kulenyé indzawo. O, ngiyacolisa. Kulungile, wemashumi lasikhombisa nesihlanu, kutsiwani ngawe uta khona lapha, dzadze? Emashumi lasikhombisa nesitfupha, ngubani lonaloko? Emashumi lasikhombisa nesitfupha. Loya dzadze? Wota khona lapha. Emashumi lasikhombisa nesikhombisa, likhadi lekukhulekelwa lesikhombisa-nesikhombisa. Emuva lapho. Emashumi lasikhombisa nesiphohlongo. Wota lapha, dzadze. Lemashumi lasikhombisa nemfica, lemashumi lasikhombisa nemfica. Ngabe ngilibonile? Ngabe liphakeme? Lemashumi lasikhombisa nemfica. Lemashumi lasiphohlongo, ngubani lonelikhadi lekukhulekelwa lemashumi lasiphohlongo? Ungasiphakamisa sandla sakho, kute sibone? Emashumi lasiphohlongo.

<sup>177</sup> Manje, uma lomfana eta kutoniketa emakhadi ekukhulekelwa, usukuma embikwenu, awashove ndzawonye. Akunjalo loko na? Bese-ke utsatsa futsi akunike likhadi lekukhulekelwa, noma ngubani lofuna linye, niyabona, akunandzaba. Ngako, asati kutsi sitobabita kuphi, futsi akukho muntfu lowatiko kute...Lomfana angeke akutjele kutsi, "Yebo-ke, sitocala, kusihlwa, kusuka enombolweni yekucala. Ngitokunika *wena* inombolo yekucala, *nawe* inombolo yesibili, *wena...*" Angeke akwente loko. Niyabona na? Futsi kuyakufakazela, ngoba uyawashova etulu lapha embikwenu. Uh-huh. Kulungile.

<sup>178</sup> Bengikuphi, emashumi lasiphohlongo? Emashumi lasiphohlongo, likhadi lekukhulekelwa lemashumi lasiphohlongo. Emashumi lasiphohlongo nakunye. Ngabe ngilitfolile lelo? Lemashumi lasiphohlongo nakunye, lemashumi lasiphohlongo nakubili, lemashumi lasiphohlongo nakutsatfu. Ngabe loko yi...? Cha, umele luswane. Lemashumi lasiphohlongo nakutsatfu, ungasiphakamisa sandla sakho? Emuva ngemuva. Lemashumi lasiphohlongo nakune. Kulungile. Emashumi lasiphohlongo nesihlanu. Angikakuboni. Emashumi lasiphohlongo nesihlanu, emashumi lasiphohlongo nesitfupha, emashumi lasiphohlongo nesitfupha. Lendvodza. Emashumi lasiphohlongo nesikhombisa. Angikakuboni. Emashumi lasiphohlongo nesikhombisa.

<sup>179</sup> Buka likhadi lamakhelwane wakho, mhlawumbe usihhulu. O, kulungile. Emashumi lasiphohlongo nesikhombisa, emashumi lasiphohlongo nesiphohlongo, emashumi lasiphohlongo nesiphohlongo. Yini, lendvodza leyimphumphutse, ngubani inombolo yayo? Ngabe u—ngabe u...? Loko bekungeke kube yinombolo yakhe, bekungeke? O, ya, o, ya, bekanako, o, ku—kungemuva. O, loko kulungile, kubambeni, ngitokutfola. Hlala nako nje, ngitotfola...

<sup>180</sup> Emashumi lasiphohlongo nemfica, emashumi layimfica, emashumi layimfica nakunye, emashumi layimfica nakubili, emashumi layimfica nakubili. Angikuboni. Emashumi layimfica nakubili. Mhlawumbe labanye ubanikete itolo ebusuku. Yeboke, unalanele lapho.

<sup>181</sup> Wonkhe umuntfu kulelilayini lalabakhulekelwako lome lapha, bukisisani umzuzwana nje manje, ngifuna nihloniphe sibili manje. Nje—nje, lona nguMgcibelo ebusuku, ungalala kute kube sikhatsi saSontfo sikolwa ekuseni, manje, awudzingi kutsi uye emsebentini. Ngako manje, hloniphani ngekutitfoba sibili imizuzu lembalwa nje. Tsatsa loMlayeto, ungawukhohlwa loMlayeto manje, tsatsa loMlayeto.

<sup>182</sup> Wonkhe umuntfu kulelilayini lalabakhulekelwako usihambi kimi, kutsi angati lutfo ngani, phakamisani tandla tenu, nonkhe elayinini lalabakhulekelwako. Kulungile, mnumzane. Ngamunye wenu kulelo layini lalabakhulekelwako, nitometsembisa ngesizotsa Nkulunkulu kutsi uma Nkulunkulu atokwembula letintfo leti, kutsi utotsembisa kutsi utoMkholwa, futsi ubambelele kuLo ngenhlitiyo yakho yonkhe? Uyakholwa? Futsi uma nje bengingeta futsi ngikhulekele ngamunye wenu, futsi nginendlulise lapha...

<sup>183</sup> Uma wente noma yini leliputsa uyakulungisa, manje, ngaphambi kwekutsi ute elayinini. Niyabona na? Yenta loko. Manje, ngoba khumbulani, sono sibasetikwenu, hhayi etikwami.

<sup>184</sup> Manje, bangakhi etetsamelini kusihlwa, lokholwako kutsi Nkulunkulu unguMphilisi, futsi angakophilisa,

futsi utokuphilisa, futsi unekukholwa ngako, kusihlwa na? Phakamisani tandla tenu kutsi niyagula. Manje, niyakwetsembisa, nine khona lapho...? Bangakhi ekhatsi lapha lowatiko kutsi angikwati logulako, noma angati lutfo ngawe? Phakamisa sandla sakho.

<sup>185</sup> Manje, uma iNkhosi Jesu itokwenta kona kanye nje loko Leyatsi Yakwenta ngesikhatsi Ifika lapha emhlabeni, kona kanye nje loko Letsembisa kutsi kuyokwenteka etinsukwini tekugcina, uma Atokwenta loko kanye nje kulelilayini lalabakhulekelwako, noma ngalesinye sikhatsi ngephandle lapho, nitokukholwa ngesizotsa, njengoba ngiphakamisela tandla tami kuNkulunkulu kutsi angati ngisho namunye walabobantfu lapho...

<sup>186</sup> Futsi kunalabambalwa lapha lengibatiko. Ngitama kwenta kutsi lendvodza lehleti lapha, futsi ngikhholwa kutsi lendvodza lehleti lapha igcoke isudu lekhanyako, ngiyibonile ndzawanatsite. UMnaketfu naDzadze Kidd, ngiyabati.

<sup>187</sup> Futsi ngiyati kutsi nginebangani labatsite lapha labavela eJeffersonville, basemuva lapha ndzawanatsite, lomunye wemadikhoni elibandla letfu, uMnaketfu Fred Sothmann, ulapha. Lomunye wemadikhoni, noma uligonsa, lomunye wemadikhoni, umshumayeli waseMethodisti, uMnaketfu Collins, bekalapha ngalelelinye lilanga, yena nemkakhe balapha.

<sup>188</sup> UMnaketfu Welch Evans nemndeni wakhe lovela entasi eGeorgia. Labobantfu bashayela lapho, yebo-ke, neluhambo loluhamba lubuye, Beningatsi cishe kungemamayela lalishumi nakune, noma langemakhulu lalishumi nesihlanu njalo ngeliSontfo kutongiva ngishumayela eJeffersonville. Ukhulumu ngebangani! Fela wena.

<sup>189</sup> UMnaketfu Tom Simpson, ulapha, futsi ngicabanga kutsi labanye bemndeni wakhe banaye, futsi ungumnaketfu lovakashile. UMnaketfu Leo naGene, balapha, tisebenti letibafo letibambisene nami lapha emhlanganweni.

<sup>190</sup> Khona-ke nginemngani lapha, uMnaketfu Rodney, neMnaketfu Roger, neMnaketfu Charlie, bavela enhla lapha e-Ohio, ndzawanatsite, enhla lapha edvute nelilayini lase-Indiana, bangani bami ngco. Bazalwane be-United nebazalwane beMethodisti, losandza kungena nje futsi wasindziswa futsi wagewaliswa ngaMoya loNgcwele, ba-bafanele babe lapha. Bebalapha itolo, ngibe nalabanye babo engcogeciswanemi yangansense, futsi balapha. Futsi ngaphandle kwaloko, akukho muntfu lengingacabanga ngaye.

<sup>191</sup> Mnaketfu Dauch, lohleti lapha, ngi—ngiyamati. Ligama laseJalimane, uMnaketfu Dauch, a—angikwati kutsi, *nguDauchs*, noma Dauch, noma intfo lefana naleyo. Umnaketfu

lokahle kakhulu lovela khona lapha e-Ohio, bekasolo asibusiso lesikhulu kimi.

<sup>192</sup> Nalendvodza lehleti khona emuva lapha, thayi lobovu, ihleti khona lapha, *wena*, khona phansi, angikwati na? Cha, lendvodza emvakwakho ngco, lapho, angikwati? Ngi—ngi—ngicabange kutsi ngikwentile. Ngingeke ngilibite ligama layo, kodvwa ngi—ngiyamati.

<sup>193</sup> Futsi ngalolokunye kusa, Moya loyiNgewelete bekangihola entasi nesitaladi, ngangena ekamelweni kuyotfola kudla kwasekuseni, *Intfo letsite yatsi*, “Ungahambi. Hamba wehle ngesitaladi.”

<sup>194</sup> Ngacala kuhamba ngehla ngesitaladi, futsi ngamangala, “Ngani? Ngani?” Ngachubeka nekuhamba ngehla ngesitaladi, futsi ngabona bodzadze lababili beme ekoneni, Ngachubeka nekuhamba, ngacabanga, “Babe, Ufuna ngenteni?”

“Chubeka nje uhambe.”

Futsi ngesikhatsi ngehlela lapho, labodzadze bajika, base batsi, “Mnumzane, ungangitjela kutsi sitolo segrosa sikuphi?”

Ngatsi, “Cha, ngisihambi lapha.”

Futsi bacalata, batsi, “Awusuye uMnaketfu Branham?”

Ngacabanga, “Naku.”

<sup>195</sup> Wesifazane lomncane munye bekakadze akhuleka kamatima impela kungibona ngansense. Waphumela ekoneni kutsi alindze, Nkulunkulu wamtumela ngephandle lapho, naNkulunkulu wangitfumela ekamelweni lami entasi. Uhleti khona lapha manje, khona *lapho*. Wangitjela ngentfo letsite lebekafuna kukhuluma ngayo nami ngansense. Niyabona na? Wena, intfo kuphela lofanele uyente kulandzela kuhola kwaMoya. Usebenta ndzawo totimbili temugca, ukwenta kuhlangane kahle impela nje. Niyabona na? Impela nje.

<sup>196</sup> Futsi uma bengingasho kubantfu labavela eJeffersonville, Ngi—ngi, yebo-ke, bengingeke ngibabite uma ngibone, ngaphandle uma bekungaba yintfo letsite labato... Ngitodzingeka ngibatjеле noma lokutsite, kodvwa ngalokwejwayelekile, ngulabanye bantfu.

Nonkhe khulekani manje, futsi nikholwe ngayo yonkhe inhlitiyo yenu.

<sup>197</sup> Manje, wentani wesifazane munye...? Jesu wamtjela intfo letsite lebeyiliphutsa kuye, futsi wangena watjela, futsi lidolobha lonkhe lakhola eNkhosini, sonkhe situkulwane, sonkhe sive sebantfu, bakhola kutsi BekanguMesiya.

<sup>198</sup> Manje, angisuye Mesiya, niyakwati loko. O, hhe, ngisoni lesisindziswe ngemusa, ngingumuntfu, kodvwa Mesiya usebenta etidalweni letibantfu. Manje, njengoba bentitama, ngiyanitjela, kute boNkulunkulu labatsatfu, noma ngubani uyakholwa

kutsi lelo lihedeni. Munye kuphela Nkulunkulu, Uhlala etikhundleni letintsatfu. BuBabe...O, bantfu bahlanyiswe kutama kudadisha loko. Ngani, kulula kakhulu, Nkulunkulu, uYise, simiselo sesikhatsi seYise, buDvodzana, Moya loNgcwele, Nkulunkulu lofanako.

<sup>199</sup> Hhayi boNkulunkulu labatsatfu, Munye lotsiwa nguYise, naMunye lotsiwa yiNdvodzana, Munye lotsiwa nguMoya loNgcwele. Ha! Uyakukholwa loko, mnaketfu, kuncono uchubeke ebandleni laseKhatolika, ngulapho la uwakhona, impela nje, kuvela lapho-ke. Akukho kufundzisa lokunjalo eBhayibhelini, ayikho intfo lenjengaley, *ticu-tintsatfu* akashiwo ngisho naseBhayibhelini, akukaze nakanye.

<sup>200</sup> Manje, angisiyo i...angi...futsi ngitsi... Nalabanye bantfu batsi, “Ungu*Jesu Kuphela*,” uneliphutsa lapho, Beringeke ngibe nalolohlobo lwemoya etikwami, lapho, leyontfo lenembhedesho, intfo lengamesabi nkulunkulu le... cha, mnumzane. Angisuye waka*Munye*, nhlobo, angisuye waka *Ticu-tintsatfu* futsi, ngingumKhristu nje, ngikholelwa kuNkulunkulu. Ngiyakholelwa kuNkulunkulu abonakaliswa etikhundleni letintsatfu. Manje sikhundla saKhe sisenhliityweni yami, enhliityweni yakho, hhai lomunye Nkulunkulu kulenyen indzawo, lomunye Nkulunkulu kulenyen indzawo, lomunye Nkulunkulu kulenyen indzawo, loko kubuhedeni ngangoba buhedeni bungaba ngibo. Akukaze nakanye loko ngisho kucabange nje kwaze kwaba nguMkhandlu waseNayisiya, sikutfole eBhayibhelini, noma sikutfole emlandvwjeni, kute kube ngulesosikhatsi, akukho lapho.

Gene, ngabe nguwe lotobaletsa kimi? Kulungile, Mnaketfu.

<sup>201</sup> Manje, uma noma ngubani ekhatsi lapha anekusola kutsi loku akusiko kwaNkulunkulu, unenchubo lencono kusita labantfu laba, ngako konkhe kwesaba kwebunkulunkulu, netinhloniph tebazalwane, ngitohlala phansi entasi lapha neMnaketfu Sullivan, wotani ngembili, ningenta noma yini leyehlukile ngako. Noma uma ufunu kuta wente intfo lefanako, uma ucabanga kutsi ngiwadeveli, futsi uwaNkulunkulu, khona-ke impela ungakwehlula loku, ungamehlula develi uma uwaNkulunkulu, khona-ke wota, utsatse indzawo. Akusiko kutsi NginguYe, kodvwa Ulapha. Manje, akunandzaba kutsini, kutsi Bekangangigcoba kangakanani, Ufanele akugcobe ngendlela lefanako.

<sup>202</sup> Manje naku kume wesifazane lengingakaze ngimbone emphilweni yami, usihambi ngalokuphelele kimi, Angikaze ngimbone, unguwesifazane nje lome lapho. Futsi ngicabanga kutsi lesi sikhatsi sekucala kutsi sike sihlangane, ngekwati kwami. Ngabe kunjalo? [Lodzadze utsi, “Yebo, mnumzane.”—Umhl.] Kunjalo. Manje, uma loku kukwekucala kubonana kwetfu, futsi ngitawuphakamisela

tandla tami kuloko. Uma ngake ngahlangana nawe, ngi... bekundzawanatsite bengingati kutsi bewungubani, sendlula esitaladini, noma sahlala emhlanganweni, noma intfo lefana naleyo, be—bengingeke ngikwati ngalenye indlela. Kodvwa kukwati nje, angikwati, futsi awungati, kodvwa ukhona Umuntfu lapha Losati sobabili, kunjalo, Lomunye umuntfu usati sobabili. Manje sitotikhohlwa tsine lucobo futsi siMvumele akhulume ngami, futsi...

<sup>203</sup> Manje, uma ngenyukela lapha, futsi ngitsi, “Dzadze, uyagula. Haleluya! Akadvunyiwe Nkulunkulu! Hamba uphiliswe, sewuphilisiwe. Chubeka.” Manje, loko kutolunga, uma ufuna kukukholwa, uphiliswe kuphela ngekukholwa. Kunjalo. Ngako manje, bewungaba nelilungelo lekukungabata loko, kodvwa etikwemBhalo, lenginitjele kona kutsi sisesikhatsini sekugcina, nalowo Nkulunkulu lofanako lobekahlala enyameni yemuntfu, adla futsi anatsa lapho, kutsi iminyaka lengemakhulu lamanengana emvakwaloko wabonakaliswa enyameni, Nkulunkulu lofanako, ngoba Utela kuHlengwa kutingela umntfwana waKhe lolahlekile...

<sup>204</sup> Ngesikhatsi Nkulunkulu ehla ensimini yase-Edeni, Akatfumanga ngani iNgelosi kuyotingela Adamu? Akatfumanga ngani lolunye luhlobo lweNdvodzana kutingela Adamu? Loyo kwaku ngumntfwana waKhe lolahlekile, Utitela Yena lucobo. Kungako Jesu beka nguNkulunkulu entiwe inyama, Weta enyameni yemuntfu kutohlenga nine. Bengitokhuluma ngaloko kusihlwa, kube bengingakakucedzi loko itolo ebusuku, *UMhengi loSihlobo semndeni*, kukhombisa kutsi Bekanguye, bekafanale abe ngumuntfu. Ngako, ngaley Ngati, ngaphandle kwekulalana, loko lokumsulwa, iNgati yaNkulunkulu ledaliwe, Ngime lapha kusihlwa, nale—lensayeya etikweliBhayibheli lami, ngime embikwewesifazane, kusho kutsi Nkulunkulu uyaligcina Livi laKhe, ngulapho sime khona.

<sup>205</sup> Uma Nkulunkulu atokwembula kimi intfo lowatiko kutsi ngi... Uma—uma kukhona noma yini ngawe, angikwati. Kodvwa uma Atokwembula kimi, khona-ke utokwati, futsi njengalowesifazane emtfonjeni waseSamariya, hambani nitjele bantfu benu kutsi, “Wotani nibone uMuntfu,” hhayi uMnaketfu Branham, manje, kodvwa, “iNkhosi Jesu leseBandleni laYo, itibonakalisa Yona lucobo, ngoba yangitjela tintfo letisemphilwени yami.” Beningavuma yini kwenta loko?

Libandla lingavuma yini kwenta loko?

<sup>206</sup> Akusiwe wena sibili lotimele lapha, kwalomunye umuntfu. Uma loko kunjalo, phakamisa sandla sakho. Niyabona na? Uyati kutsi yini lesenhilitiyweni yakho. Uma Nkulunkulu, ke, atongichazela, noma angitjele lokutsite ngalokutsite, noma lomunye umuntfu, utongikhohlwa na? Lomuntfu, hhayi lapha, basesimeni sekufa ngemdlavuza, futsi ubamelele. Ngabe

kunjalo? Uyalati leloduku loliphetse esandleni sakho, lapha? Tsatsa lelo liye kubo. Futsi ungangabati. Ungeke ukungabate? [Lodzadze utsi, "Cha."—Umhl.] Khona-ke ungaba nako lolokucelako. Nkulunkulu akubusise. Nkulunkulu akubusise.

Manje, ngabe libandla liyakholwa? Uma ukholwa! Kunyakatisa labanye, akubanyakatisa labanye. Akukho lutfo...

<sup>207</sup> Sawubona? Uma Jesu Khristu, iNdvodzana yaNkulunkulu, itokwembula kimi kutsi uteleni lapha, noma unguvani, noma *intfo letsite-lenyne*, utokwati kutsi ngabe kuliciniso noma cha, ungeke na? Utongikholwa kutsi ngiyinceku yaKhe, futsi nginitjele liciniso etikweLivi laNkulunkulu. Sewukulungele kwetfuka? Ugula kamatima, usibekelwe kuva, bumnyama etikwakho, umdlavuza. Ngumdlavuza weliphaphu lohambe wendlula emtimbeni wakho. Liciniso lelo. Wota lapha. Uma uMoya waNkulunkulu lowenta liBhayibheli... Umyalo wekugcina uMsindzisi wetfu lawunika liBandla, "Letibonakaliso leti tiyobalandzela labakhawlako." Manje, niyati kutsi *Intfo letsite* ingigcibile, ngabe kunjalo? Yebo-ke khona-ke, uma ngibeka tandla etikwakho futsi ngimlahle loyodeveli, utokukholwa, kutsi kuvela kuNkulunkulu, yena kanye loNkulunkulu lowatiko ngawe? Khona-ke ungaphila.

<sup>208</sup> Nkulunkulu Somandla, uMdali wemazulu nemhlabo, Mcalisi wekuPhila lokuPhakadze, neMniketi waso sonkhe siphlo lesihle, netandla tibekwe etikwa lowesifazane, njengoba kutfunywa kwekugcina kuniketwa eNkhosini yetfu, noma, ngeNkhosi yetfu, kutsi liBandla laKhe lifanele lente, Ngiyakulahla lokufa loku kulenga etikwa lowesifazane, futsi ngimvumele aphile, eGameni laJesu Khristu. Amen.

Manje, ngibhalele bufakazi bakho; kholwa ngayo yonkhe inhlitiyo yakho.

Sawubona? Uyakholwa kutsi Nkulunkulu uyayiphilisa inkhatsato yelitfumbu, naye? Kulungile, sekuphelile ke. Utsintseni ke? Utsintse Yena.

<sup>209</sup> Angikwati, Nkulunkulu uyakwati. Uyangikholwa kutsi ngiyinceku yaKhe? Ngitama nje ku...Niyabona, iNgelosi yeNkhosi (Nike nayifundza incwadzi yami?), ngesikhatsi ahlangana nami ngalobo busuku, watsi, "Uma utfola bantfu kutsi bakukholwe." Ngikholwe, ini? Kutsi ngikhulume liciniso. Ngacoca indzaba yeliBhayibheli, ngako loko kufanele kube liciniso. Uma iNkhosi itokwembula kimi lokutsite ngawe, utokholwa kutsi ku...? Utofanele wati kutsi loko kuliciniso noma cha. Uphetfwe yinkhatsato yenyongo. Kunjalo.

<sup>210</sup> Naku kufika. Nje, ngivele nje, kubukeka kwangatsi ngikulindzele, "Ukucagelile loko." Angikakucombele loko, yekela kucabanga loko. Ngi...Kukwenta ubenemahloni ngawe manje!

<sup>211</sup> Angati kutsi Unitjele ini. Umzuzwana nje. Yebo, naku, kungaphansi kwetimbambo lapha, yinyongo, kunjalo, kubangela kugula nemajacamba, nayo yonkhe intfo. Kunjalo. Futsi unemitsambo levuvukile, uphetfwe simo sekwefuka, unetifo letelakanyanako, ushonjalo dokotela. Ligama lakho unguNkkt. Osborne. Hamb'ekhaya futsi welulame, Jesu Khristu uyakusindzisa.

<sup>212</sup> Lihlazo kuwe! Bani nekukholwa kuNkulunkulu. Ungangabati. Uma ungakholwa, konkhe kungenteka.

<sup>213</sup> Lodzadze lohleti lapho netinwele takhe tibhoncw *kanjena*, angibuka ngco, kukhona lokutsite, ngesikhatsi Kushaya lona wesifazane, kwashaya loyo wesifazane, futsi, futsi ngacalata, ngabona kuKhanya etikwakhe, angati. Kukhona lokutsite indzaba ngaloyo wesifazane, losandza kusuka langembili nje, yindzaba ngaloyo wesifazane, naye. Uyagula awunjalo yini, dzadze, logulako? Yebo, ngiyakubona manje. Uyangikhola kutsi ngingumprofethi waKhe? Unenkhatsato yenyongo. Uma loko kunjalo, phakamisa sandla sakho. Kulungile, sewuphilisiwe, Jesu Khristu uyakusindzisa.

### Uyakholwa?

<sup>214</sup> Uma ufuna kungikhola kutsi ngiyinceku yaKhe: loko kushaye umngani wakho lohleti lapho ngakuwe edvute kakhulu, kwamphilisa futsi ngenkhatsato yelibile lebekanayo. Huh! Uyakukholwa dzadze? Uyakwemukela? Phakamisa sandla sakho uma ukholwa. Kulungile. Hamba uye ekhaya ukholwa, ungaphiliswa. Ngiyakucela nje kutsi ukholwe, nguloko kuphela.

### Usetetsamelini.

<sup>215</sup> Uyambona lodzadze lomncane lohleti lapha akhuleka ngenhlitiyo yakhe yonkhe? Akatikhulekeli yena lucobo, ukhulekela lo—lodzadze lonemdlavuza. Yebo. Kutsi nje kuva lokungakejwayeleki bekungesiko na? Kulungile. Manje hamba, ukholwe. Loko kulungile.

<sup>216</sup> *Hmm!* Akwejwayeleki, lomunye wesifazane ubonakala ngakuYe, Ungemuva kwakhe ngco lapho, akhulekela intfo lefanako. Uyakholwa futsi, Dzadze, ungaba nako kwakho.

<sup>217</sup> O, ngitjele kutsi batsintseni? Kanjani? Bakhweshe ngemafidi langemashumi lamabili kimi, noma emashumi lamatsatfu, bebangangitsintsa kanjani? Abazange bangitsintse, kodywa batsintse umPhristi loMkhulu, Jesu Khristu, lonekuelana nebutskatsaka betfu.

<sup>218</sup> Angikwati, sitihambi lomunye kulomunye. Uma iNkhosi Jesu itokwembula kimi lokutsite... Niyacondza kutsi useBukhoneni baKhe, intfo yinye lengakalungi, ungawa ufe ngako, niyakwati loko. Kunjalo. Utokholwa ngenhlitiyo yakho yonkhe? Inkhatsato yakho isecolo lakho. Kunjalo. Inso iphume emgceni. Kunjalo. Uyakholwa kutsi utophiliswa? Nkkt. Combs,

ungaya ekhaya, futsi welulame. Khulekela loyo wesifazane, lapho, uh-huh. Kukholwa kwakho.

<sup>219</sup> Angikwati. O, kube-ke—kube-ke...? O, yebo-ke. Ucabanga kutsi make wenu utowelulama kuleso sitrokhi, futsi abekahle? Kulungile. Hamba, kukholwe, ungaphiliswa. Nkulunkulu akubusise.

<sup>220</sup> Nkulunkulu angawuphilisa yini umdlavuza, futsi akusindzise? [Lodzadze utsi, “Ngiyakhola.”—Umhl.] Kulungile. Hamba, kukholwe ngayo yonkhe inhlitiyo yakho, futsi welulame. Uma ungakhola!

Wota, dzadze. Kukhona cishe emaphesenti langemashumi lasiphohlongo aletetsameli leti letiphethfwe yintfo lefanako, dzadze. Ake ngikukhombise.

Nonkhe khona lapho lohlushwa kwetfuka, phakamisani tandla tenu, wonkh’umuntfu.

<sup>221</sup> Niyabona na? Nguleyo inkhatsato yakho. Wota cishe ngalesikhatsi lesi sekuphila noma kunjalo, kodvwa bewusolo uneluvalo sikhatsi lesidze. Uyakhola kutsi sekwengcile manje? Hamba ubonga iNkhosi. Utsi, “Ngiyakubonga, Nkhosi Jesu.”

Nkulunkulu angaliphilisa yini licolo lakho, futsi akusindzise? [Lomnaketfu utsi, “Yebo.”—Umhl.] Kulungile. Hamba nje ukukholwe-ke, ngayo yonkhe inhlitiyo yakho.

Ngiyayibona inkhatsato yakho, kodvwa loko akusiko kutsi kuyini, unekwetfuka kakhulu awati kutsi ungarithulisa kanjani. Hamba, ukholwe, kutolunga.

<sup>222</sup> Kutsi...lodzadze lofanako lapha bekanenkhatsto yekwetfuka, unaletinye tinkhatsato, tifo letelakanyanako, kodvwa ecinisweni ufuna ngikhulekele imizwa. Ngabe kunjalo? Kukholwe, futsi uhambe welulame. Kholwa nje ngayo yonkhe inhlitiyo yakho.

<sup>223</sup> Angikwati, ngiyakwati? Uyakhola kutsi Nkulunkulu utoyiphilisa leyonkhatsato yebesifazane lonayo, akusindzise? [Lodzadze utsi, “Yebo.”—Umhl.] Khona-ke hamba, ukholwe, bani nekukholwa.

Uyakhola ngephandle lapho, wonkhe wonkhe wenu? Uneukholwa?

<sup>224</sup> Loyodzadze lohleti khona lapho unenkhatsato yebesifazane, naye, uyakhulekela. Kunjalo. Dzadze, lotsite kuba, lonentfo letsite lebekwe ematsangeni akho. Kunjalo. Wena, wena! Wacalata ngakulowesifazane lolandzelako. Kholwa! Cha, khona lapha, wena lonesandla sakho sibekwe emuva ngaleyondlela, kholwa ngayo yonkhe inhlitiyo yakho. Hamb’ekhaya, yebo, mnunzane, futsi welulame. Jesu Khristu uyaphilisa.

<sup>225</sup> Ucabangani, ngephandle lapho ukhulekela umkakho lohlubukile? Ucabanga kutsi utobuya ekhaya, futsi abe...

Sukuma ume ngetinyawo takho. Kulungile. Ngimbuyisela kuwe, eGameni laJesu Khristu.

Hamba, ukholwe, Dzadze, usindze. Jesu Khristu uyakuphilisa, futsi akusindzise.

<sup>226</sup> Manje, loko kutsi akube ngaleyondlela lafanele aphume ngayo embhedzeni wasekuseni, naye. Uh-huh. Sifo sekucacamba kwematsambo, kodvwa Nkulunkulu angasiphilisa sifo sekucacamba kwematsambo, Angeke? Kulungile, uma u... Yebo-ke, hamba nje uMkholwe, ke. Hamba nje, utsi, "Ngiyakubonga, Nkhosi." Mkholwe.

<sup>227</sup> Kube-ke bengingakasho ngisho nayinye intfo kuwe, ngavele ngatsi...ngabeka tandla tami etikwakho, uyakholwa kutsi bewutowelulama? Wota ngalapha ke. Nkulunkulu akubusise. Hamba, kwemukele, Dzadze, eGameni laJesu.

<sup>228</sup> Manje, naku kufika futsi, lesinye simo semitsambo. Kunjalo. Bangakhi etetsamelini ngephandle lapho, yonkhe inhlitiyo yakho, ngako konkhe lokukuwe, futsi uyakholwa ngawo onkhe emandla lonawo kutsi Nkulunkulu unguMphilisi wekwetfuka? Phakamisani tandla takho *kanjalo*. Uma Angamphilisa lona wesifazane lapha... Manje, ngaloko...

<sup>229</sup> Wota lapha umzuzu. Um-hum, unaletinye tinkhatsato letincane nawe, awunato na? Sifazane. Niyabona kutsi bengingakusho kanjani loko? Kunikhombisa lokutsite, bukan lapha, uma ubeka sandla sakho etikwesami, buka lapha, uyasibona sandla sami? Uyabona kutsi sibukeka siwayelekile kanjani, njenganoma ngusiphi sandla semuntfu? Manje, beka lesandla lesi lapha. Manje, sibuke. Uyabona kutsi sikhukhumuka kanjani, naletotintfo letimhlophe letincane tigijima etikwaso? Manje, bukisisa, tsatsa lesi lesinye sandla ngalapha bese usibeka kuso. Asikwenti kuleso, siyakwenta? Akukwenti kulowo. Yebo-ke, kutokwentelani nje kulona, ke? Leso kwakusipho sekucala lenganikwa sona, niyabona, kukuchumana kwakho, sandla sakho sekudla ngesencele sami, wetsembisa kukholwa kwakho, kutsi uyakukholwa lengikutjela kona. Ngitsatsa sandla sakho sangesencele, futsi ngiphakamisele sami kuNkulunkulu, ngesencele sami sisenhltiyweni yami. Niyabona na?

<sup>230</sup> Manje, niyabona kukhona lokwentekako, kukhombisa ngekwenyama kutsi yini lengalungi lapho. Akunjalo loko? Manje, uma wena, kunjalo, ukusho kubantfu. Ngabe loko...?

Bukisisani uma abuka lapha. Buka sandla sami cobo lwakho.

<sup>231</sup> Manje susa sandla sakho lapho. Manje tsatsa lesi lesinye sandla, beka kuso. Akukwenti lapho. Ungumunfu impela nje kulesandla *lesi* njengoba unjalo nakulesandla *lesi*. Niyabona na? Manje ke, niyabona kukhona intfo lekhombisa ngekwenyama, loko lugcobo, loko kungesetsembiso.

<sup>232</sup> Manje wota lapha, manje bukisisa sandla sami. Uyakholwa manje, ngenhlitiyo yakho yonkhe? Ngitobeka sandla sami khona lapha kute nitosibona. Akusuwe... Niyabona, akusyo indzawo lengibambe sandla sami kuyo, noma ngabe sikuphi, kuyafana nje. Manje, uma-loko kuhamba, uma-kubuya njenga lelesinye sandla, yebo-ke khona-ke kutoba... utokwati kutsi kukhona lokwentekile, ungeke na?

<sup>233</sup> Manje, angati noma ningakubona yini noma cha, njengoba abeka tandla takhe etikwesami, tiyakhukhumuka, netintfo letincane letimhlophe tihamba, “Rrrr, rrrr, rrrr.” Akacondzi, uyati kutsi unenkhatsato yebesifazane, kodvwa akati kutsi kuyini. Niyabona na? Simila. Niyabona na? Manje, nako ke, kuhamba. Bekenetinkhatsato lapho. Manje, manje bukan, ngitosusa sandla sami kuye, buka sandla sami manje. Manje, akatsatse lesi lesinye sandla *lapha* bese ubeka lesosandla etikwakhe. Akukho ngisho nalinye licashata lemehluko. Niyabona na? *Lesi* asikukhombisi, *lesi* siyakukhombisa. Ngabe kunjalo, dzadze? Ulapha kukubuka. [Lodzadze utsi, “Kuyakwenta, yebo, mnumzane.”—Umhl.] Niyabona na? Tintfo letincane letimhlophe tigijima esandleni sami, tihamba, “Rrrr, rrrr, rrrr.”

<sup>234</sup> Yini leyo? Loko kuphila ngekhatsi kwakhe lokungesiko kwalapho. Manje, dokotela ukubita *ngesimila*, *umdlavuza*, kanjalonjalo kanjalo, kodvwa Jesu wakubita *ngadeveli*. Ini? Kuphila. Uyini? Ukuphila, kwandza kwetakhi-mtimba. Yini simila? Kwandza kwetakhi-mtimba. Yini umdlavuza? Kwandza kwetakhi-mtimba. Yini ludvwasi lolusesweni? Kwandza kwetakhi-mtimba. Niyabona, loko kuphila ekhatsi lapho. Lugcobo lapha manje lwekuPhila lokuPhakadze, futsi kunekePhila lapha lokukuPhila lokuPhakadze, futsi kukhona kuphila lapho lokukufa. Niyabona na? Ngako ngulowo umehluko.

<sup>235</sup> Lowesifazane ulikholwa. Niyabona na? Unekwetfuka, bekasolo angaleyondlela sikhatsi lesidze, ikakhulukati kusukela esikhatsini sekuma kuya esikhatsini, unekungaboni kahle emehlweni akhe, unekusheywa siyeti. O, hhe, loko kulula. Niyabona na? Kodvwa intfo yako ikutsi, kutsi bukisisani manje, futsi nibone. Manje, ngingeke ngikwente kuhambe, noma, ngingeke ngikwente kukhweshe.

<sup>236</sup> Manje, ngifuna nje kubamba sandla sami kute nibone kutsi ngikhulume ngani esikhashaneni lesendlulile kuliciniso. Niyangiva na? Ngitobamba sandla sami lapha, futsi nje ngivumele lowesifazane akhuleke futsi abone kutsi kuyasuka yini. Khulekani nje, nitsi, “Nkhosi, ngisite.” Manje, uyakhuleka. Niyabona na? Manje, akatibuke yena lucobo, angikabuki sandla sami. Solo ngilapho. Niyabona na? Manje, ngitokhuleka:

<sup>237</sup> Babe Nkulunkulu, vani umkhuleko wami, ngikhulekela lowesifazane kutsi utomsita, ngekukholwa kwakhe. Amen.

<sup>238</sup> Akanyakatanga, kwakwenta na? Kuseselapho. Manje, anginawunyakata, bukisisani nje sandla sami. Manje, nginkhombise nje kutsi Watsini, kutocinisekisa kutsi nguYe manje. Manje, Ungitjeleni? Wangetsembisa loku. Ngingeke ngikwente kukhweshe kuye, kodvwa uma akubona kusuka utawu... Manje, ngifuna nibukisise sandla sami. Wena, bukisia sandla sami.

<sup>239</sup> Nkulunkulu Somandla, kungesiko kubukisa lapha, kodvwa loku mhlawumbe kutoba sikhatsi sami sekugcina kulelidolobha. Ngikhuleka kuWe, Nkhosi, kutsi Utente watiwe, kutsi ngikhulumbe liciniso kulabantu laba, babuke sandla sami, lowesifazaneunjalo, naye. Kodvwa emaVi aKho acinisile kakhulu. Nalesinye sikhatsi lapho kukhatsateka kancane, kukhungatseka kuvimbela... Kodvwa setsembiso saKho sisasolo siciinisile, "NgeliGama laMi bayokhipha emadimoni." Manje, Wakwetsembisa loko, Wakucinisa kimi ngeNgelosi ngalobo busuku eGreen's Mill, ime kuleyondlu yetigodvo.

<sup>240</sup> Sathane, ungeke usambamba sikhatsi lesidze, phuma kuye, eGameni laJesu Khristu.

<sup>241</sup> Manje lodzadze akabe lijaji, sekuhambile. Ngabe sekuhambile, dzadze? [Lodzadze utsi, "Mbamba."—Umhl.] Angikaze ngisisuse sandla sami, manje buka, sekuhambile. Beka lesinye sandla sakho kuko. Hhayi lapho, ngabe kukhona? Sewuphilisiwe.

<sup>242</sup> Niyabona kutsi ngicondze kutsini? Niyakholwa? Manje, mangakhi emakholwa lelilapha? Phakamisa sandla sakho. Alikakumemeteli yini liBhayibhel? Nkulunkulu akasebenti yini neNtalo ya-Abrahama ngalokufanako njengoba Enta nga-Abrahama? Akusiyo iNGelosi lefanako leyahlangana na-Abrahama e—e, emnyakeni nje waseSodoma, ngaphambi kwekutsi ibhujiswe, akusiyo yini imisebenti lefanako lapha, Uyakwenta kusihlwa? Ngabe kuyafana? Kunjalo? Niyakukholwa? NiyiNtalo ya-Abrahama? Nkulunkulu watsi, "Letibonakaliso leti tiyobalandzela labakholwako, uma babeka tandla tabo etikwalabagulako, bayosindza."

<sup>243</sup> Bangakhi ngephandle lapho logulako? Phakamisani tandla tenu. Bangakhi lohleti ngakubo lolikhholwa? Bekani tandla tenu etikwalomunye nalomunye. Nguloko kuphela, bekani nje tandla tenu etikwalomunye, nguloko kuphela lenifanele nikwente. Loko yi...

<sup>244</sup> Utsi nje, utsi, "Yebo-ke, Mnaketfu Branham, ngi—ngifuna kubhabhatiswa." Ngitonibhabhatisa nje, nguloko kuphela, khona-ke niyabhabhatiswa. Ngabe kunjalo? Khona-ke unguKhristu. Yebo-ke khona-ke, uma utsi, "Yebo-ke, Mnaketfu Branham, phendvuka, futsi ubhabhatisce."

Nguloko liBhayibheli lelakusho, “Hambani niye eveni lonkhe, nishumayele liVangeli kuko konkhe lokudaliwe, loyo lokholwako, *futsi* abhabhatiswe uyosindziswa.” Ngabe kunjalo? Yebo-ke khona-ke, uma ukholwa, *futsi* ubhabhatiswe, liBhayibheli latsi usindzisiwe. Ngabe kunjalo?

Yini luhlelo lwembhabhatiso? Kubabeka nje ngaphansi kwemanti, kubabuyisa etulu, babhabhatisiwe.

Yini luhlelo, ke, lwalabagulako? “Letibonakaliso leti tiyobalandzela labakholwako, uma babeka tandla tabo etikwalabagulako, bayosindza.”

“Uma uMnaketfu Branham abeka tandla takhe?”

Akazange atsi, “Mnaketfu Branham,” Watsi, “nomangubani.”

<sup>245</sup> Ngako letibonakaliso leti tiyobalandzela *labakholwako*. Ulikholwa, ngalokufanako njengoba nginjalo, ninemalungelo lafanako ekubeka sandla sakho kunoma ngubani njengoba ngenta. Ngamunye webafundisi benu, labelusi laba, noma ngubani lomunye, banelilungelo lekukwenta. Niyakukholwa loko? Khona-ke ngifuna nibeke tandla etikwalomunye nalomunye, nikhotsamise inhloko yenu, ungaratikhulekeli wena manje, khulekela umuntfu lolandzelako lobeke tandla takho etikwakhe, ngoba bona bakhulekela wena. Uyakukholwa loko ngayo yonkhe inhlitiyo yakho. Ngikunikela kuJesu Khristu, njengoba ngikhulekela letindvwangu leti lapha nemaduku.

<sup>246</sup> Babe loseZulwini, lamaduku laletfwe kimi, bantfu bakholwa njengoba benta nje ngetinsuku taPawula. Bambona Pawula analleyomibono, *futsi* bebati kutsi wa—watfunywa nguNkulunkulu; labantfu laba bakholwa intfo lefanako. Manje Nkhosi, UnguNkulunkulu lofanako kitsi, ngoba Abraham bekangubabe wetive letinengi. *Futsi* baletsa emtimbemi waPawula, emaduku, tindvwangu, *futsi* tayiswa kulabagulako nalabahlaselekile, nabodeveli baphuma kubantfu, imimoya lengcolile, tifo taphiliswa. Manje, ngekhuta wonkhe develi...



61-0318 Sivumelwano Sa-Abrahama Sicinisekisiwe  
ENational Guard Armory  
EMiddletown E-Ohio E-U.S.A.

SWATI

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntnu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)